

ՔԱՐԹԻԻ ՄԱՏՅԱՆ

Վրաց, ինչպես նաև հայ ժողովրդի պատմական անցյալը, նրանց փոխառություններն ուսումնասիրելու առումով կարևորագույն սկզբնաղբյուրներից է վրացական տարեգրությունների ժողովածուն, որը պատմագիտության մեջ հայտնի է Քարթլիս Թխովերա (Պատմություն վրաց) վերտառությամբ Այս հուշարձանը սկիզբ է առել XII հարյուրամյակում և ընդհուպ մինչև XIX դ. պարբերաբար համալրվել է ժողովածուն պարունակում է 12 հեղինակների տարբեր գործեր, ժողովածուի մեջ ընդգրկված արժեքավոր աղբյուրներից է Քարթլիի մատյանը, որի թարգմանությունը ներկայացվում է ստորև:

Քարթլիի մատյանը որպես հավաքական բնույթի պատմական ժամանակագրություն ժողովածու է «Վրաց պատմության» մեջ Այնտեղ նկարագրված են ոչ միայն VIII—XI դդ. վրաստանում տեղի ունեցած իրադարձությունները, այլև պատմվում է վրաց ավատատիրական կաղամալորումների առաջացման, առաջնության համար մրցակցության, հայ և վրաց պետական միավորումների բարդ փոխհարաբերությունների, հայ Բագրատունիների թագավորության մասին, վրաստանի քաղաքական պատմության ուսումնասիրության համար արժեքավոր սույն հուշարձանը կարևոր է նաև հայ ժողովրդի ու վրացիներին զբաղեցնող ժողովուրդների (օսից, զաղստանցիներ, չեչեններ և այլն) պատմության առանձին դրվագներ ուսումնասիրելու առումով: Այս հուշարձանից կարելի է տեղեկություններ քաղել նաև VIII—XI դդ. Անդրկովկասի ժողովուրդների փոխհարաբերությունների, նվաճողների դեմ հայ և վրաց ժողովուրդների պայքարի, Կովկասի ժողովուրդների ու օտար նվաճողների առևտրությունների մասին:

Սույն թարգմանության համար հիմք է ծառայել Ս. Գ. Դաուիշվիլու հրատարակած «Վրաց պատմության» տեքստը. «Ժամանակի ցեղերը», Երևան, 1955, գլ. 249—317 (հեա այսու՝ խմբ. I):

Գոյություն ունի Քարթլիի մատյանի երեք լրիվ թարգմանություն. ֆրանսերեն՝ M. Brosset, Histoire de la Georgie, SPb., 1849, p. 256—345; ռուսերեն՝ Матпане Картлиса (перевод, введение и примечания М. Д. Лордкипанидзе), Тб., 1976; Летопись Картли, перевод, введение и примечания Г. В. Цулая, Тб., 1932.

Սույն աղբյուրի մի փոքր հատված թարգմանել է Վ. Գ. Դուրյան (Хрестоматия по истории СССР, М., 1960, с. 342—354): Կա նաև առանձին հատվածների թարգմանություն. Կ. Թադաշվիլու (Е. С. Такашвили, Сборник материалов для описания местностей и племен Кавказа, вып. XXVIII, Тифлис, 1900, с. 172—182); հայերեն՝ Լ. Մ. Մելիքյանի, Վրաց աղբյուրները Հայաստանի և հայերի մասին, հ. Ա, Երևան, 1934, Բ. Զեյնալդյան, «Ժամանակի ցեղերը» հրատարակչության տպագրած, Երևան, 1953.

Ընթերցողին ներկայացվող սույն թարգմանությունն ամբողջական է, քանի որ ընդգրկում է նաև ընդմիջարկումները, որոնք, չնայած գիտական որոշակի արժեքին, տեղ չեն գտել վերահիշյալ թարգմանություններում:

Պարզաբանման նպատակով թարգմանիչների արած միջամտությունները (տարբեր, տեղանունների հայկական ձևեր, ենթադրվող բառեր և այլն) առնված են փակագծերի մեջ:

Վ. Մ. ՄԱՐՏԻՐՈՍՅԱՆ

Հ. Գ. ՄԻՐՏՈՒՄՅԱՆ

Քարթլիի ֆառասունհինգերորդ մթավառները¹, սուրբ վկա Արչիլ² արքայի որդիներ՝ Հովհանն և Նրա եղբայր Զվանգեր Խոսրովյաններ³

Այնուհետև, երբ վախճանվեց սուրբ վկա Արչիլը, մնացին նրա որդիները՝ Հովհանն և Զվանգերը: Հովհանն գնաց Նգրիս (Նգերթ)⁴ և իր հետ տարավ

մորն ու երկու քույրերին: Իսկ Ջվանշերը և նրա (մյուս) երկու քույրերը մնացին Քարթլի ու Կախեթի երկրներում: Իսկ նրա կրտսեր քույրը գեղեցկադեմ էր: Եվ նրա գեղեցկության մասին լսել էր խազարների խաքանը. ուղարկեց պատվիրակ և խնդրեց Շուշանին կնության տալ և խոստացավ օգնել (Ջվանշերին) սարակինոսների դեմ: Երբ ժամանեց խաքանի պատվիրակը, այդ մասին տեղեկացրեց Ջվանշերին իր եղբորը և մորը: Բայց նրանք չհամաձայնվեցին և ասացին. «Եթե մենք անգոր գտնվենք, ապա բարվոք է, որ մտնենք Հունաստանի հովանավորության ներքո և ապավինենք քրիստոնյաներին, բան թե պղծվի մեր դուստրը հեթանոսներից»: Եվ Շուշանն էլ այսպանեց խազարների արքային:

Երեք տարի անց խաքանն առաքեց սպասալար Բլուշանին⁵, որն անցավ Լեկսց աշխարհի ճանապարհով և մտավ Կախեթ, պաշարեց այն բերդը. որտեղ գտնվում էին Ջվանշերը և նրա քույր Շուշանը, և որոշ ժամանակ անց զրավեց այն ու գերեց նրանց, ավերեց Տփղիս քաղաքը, ավերեց Քարթլին և ողջ երկիրն այն⁷:

Եվ երբ գնում էր (Բլուշանը) Դար-ի-Ալանի ճանապարհով⁸, օրերից մի օր Շուշանն ասաց իր եղբորը. «Ավելի լավ է ինձ համար մահը, քանզի տերնինձ արժանի կդարձնի սուրբ կուսանաց, քան թե պղծվեմ հեթանոսներից»: Եվ նա կրում էր մատանի, հանեց նրա ակը, բռնեց հպեց շուրթերին և իսկույն մահացավ, որովհետև այդ ակի տակ մահացու թռչն էր:

Եկավ Բլուշանը խաքանի մոտ, բերեց Ջվանշերին ու պատմեց նրա քույր Շուշանի մահվան մասին: Սակայն (խաքանը) զայրացավ (Շուշանի) աճյունը չլիբելու համար, որը տեսնել էր տենում: Բռնեցին Բլուշանին, պարանը վիզը գցեցին և տվեցին երկու ձիավորների, որոնք պիտի շարժվեին հակառակ ուղղությամբ և դաժանորեն պոկեցին նրա գլուխը (մարմնից): Եվ յոթ տարի Ջվանշերն այնտեղ մնաց, որից հետո խաքանը նրան մեծ նվերներով հետ ուղարկեց իր երկիրը⁹:

Սակայն այդ ժամանակվանից սկսվեց նվազել խոսրովյան մեծ արքաների թագավորությունը¹⁰: Նախ՝ հզորացավ սարակինոսների իշխանությունը և այդ ժամանակվանից այս բովանդակ երկիրը պարբերաբար ենթարկվում էր ասպատակության ու ավերածության: Երկրորդ՝ Քարթլի երկրում առաջացան բազում մթավարներ ու թշնամացան միմյանց: Եվ եթե հանդես էր գալիս Վախտանգի¹¹ շառավիղներից մեկը, որն արժանի էր թագավոր դառնալու, ապա նա նվաստացվում էր սարակինոսների կողմից: Քանզի նվաճելով Տփղիս քաղաքը, հազարացիներն այն դարձրին իրենց նստավայրը¹²: Վերցնում էին այս երկրից հարկ, որը կոչվում էր խարաջ: Աստծո կամքով՝ մեր մեղքերի բազմության պատճառով հզորացավ հազարացիների ազգը:

Եվ տարածվեց անհավատ Մահմեդի քարոզը, ու բազում ժողովուրդներ հետևեցին նրան: Դրանից հետո հանդես եկան պարսիկները և հասան մինչև Պոնտոս և ամբողջ Կապադովկիան նվաճեցին աստծով:

Եվ այս Ջվանշերը կին բերեց Բագրատունիների տոհմից, Ատրներսեհի դստերը՝ Լատավր անվամբ, և մայրը նրան նախատեց այդ աղջկան կնություն առնելու համար: Քանզի նա հասու չէր նրանց՝ աստծո հայր կոչված Դավիթ մարգարեի շառավիղներից սերած լինելուն: Սակայն երբ տեսավ իր որդու կնոջը, սիրեց և օրհնություն տվեց:

Եվ երբ հուլիսիցին-անցան շատ տարիներ, եկավ հազարացիների ամիրան՝ խոսրով անունով¹³, որն իշխում էր Սոմխեթում, Քարթլիում և Հերեթում (Հայք, Վիրք և Աղվանք երկրներում): Սա վերականգնեց Տփղիս քաղաքը, որն ավերել էին խազարները:

Իսկ երբ ուժասպառ եղան հուլսերը, նրանցից զատվեց Լևոն անվամբ ափսազների էրիսթավը¹⁴: Լևոն էրիսթավի եղբորորդին, որին տրված էր Ափսաղաց աշխարհն իբրև ժառանգական տիրույթ: Այս երկրորդ Լևոնը խազարների թագավորի դստեր որդին էր, և նրանց օգնությամբ զատվեց հուլսերից, նվաճեց Ափսաղաց աշխարհն ու Եգրիսը մինչև Լիխի լեռները և իրեն հռչա-

և հռ. ափիսագաղթ թագավոր¹⁵, քանի որ վախճանվել էր Հովհանն, և ծերացել էր Զվանշերը: Եվ հետո այնու Զվանշերը ես վախճանվեց:

Սակայն Զվանշերի կենդանության օրոք Ատրնեսուհի Բագրատունին փոխանակեց Կղարջքի, Շավշիքի, Աճարայի, Նիգալի, Ասիսփորի (Ասեայ փորի), Արտահանի և Ստորին Տալթի տիրույթների մեկ երրորդը, ինչպես և Վախտանգ թագավորի շառավիղներին պատկանող բերդերը: Եվ գնաց Ատրնեսուհի Կղարջք, որտեղ և մահացավ:

Քանզի նրա հայրը՝ Ներսեսը, վարազ-Բակուր անտիպատրիկի որդին, և այս վարազ-Բակուրի հայրը՝ Գվարամ անվամբ կյուրապաղատը՝ Ստեփաննոս Առաքինի որդին և Դեմետրի եղբայրը, սրանք վախճանվել էին, և այս Ատրնեսուհի եղբայրները՝ Փիլիպե և Ստեփաննոս անվամբ, նույնպես մահացել էին:

Քարթլիի ֆառասունվեցերորդ կյուրապաղատ Ատրնեսուհի որդի Աշոտ Բագրատունին

Ատրնեսուհի մահից հետո Տերը հզորացրեց Աշոտ¹⁶ կյուրապաղատի թագավորությունը և (նա) տիրեց բովանդակ Քարթլին¹⁷: Քանզի նույն ժամանակ Մասլաման¹⁸ ներխուժել էր Հունաստան, և վերադարձավ ուժափսյառ և զոր ու նվաստացած, Այնժամ հունաց արքան կյուրապաղատությունը շնորհեց Աշոտին, և տկարացան սարակինոսները, ու հզորացավ Աշոտ կյուրապաղատը: Իսկ Տփղիսում սարակինոսներից ոչ ոք չմնաց, բացի Շուաբի որդի Ալիից: Իսկ Գրիգորը¹⁹ իշխում էր Կախեթում:

Այն ժամանակ (երբ) Աշոտ կյուրապաղատն արշավում էր, նրան օգնեց ափսագաղթ թագավոր Լևոն Երկրորդի որդի Քեոդոսը²⁰, որը Աշոտ կյուրապաղատի փեսան էր: Արշավեց Գրիգորը Կախեթից, որին օգնեցին մթիուկները²¹, ծանարները²² և Տփղիսի ամիրան: Եվ բախվեցին Քսանի²³ գետի ափին Աշոտն ու Գրիգորը: Փախուստի մատնեցին Գրիգորին՝ Կախեթի մթավարին, և նվաճեցին երկիրը, որը (Գրիգորը) խլել էր Քարթլիից: Եվ տիրեց Աշոտը Կղարջքից մինչև Քսանի (գետը):

Դրանից հետո եկավ Եգիգի որդի Խալիլը (ժագումով) Արաբիայից²⁴ և գրավեց Սոմխեթը, Քարթլին ու Հեթեթը: Եվ սպանեցին Աշոտ կյուրապաղատին²⁵ Պարղաբանում (Գարդմանում), եկեղեցու ներսում, ու նրա արյունը, որ այն ժամանակ հեղվեց, այժմ էլ տեսանելի է, կարծես նոր հեղված լինի:

Սակայն նորից տիրեցին սարակինոսները Քաթլին: Եվ երբ մեկնեց Խալիլը, որպես ամիրա (Տփղիսում) թողեց Շուաբի որդի Ալիին²⁶: Այն ժամանակ դավ նյութեցին գարդաբանցիները և Դորեպիսկոպոս հռչակեցին Դաշին²⁷: Քվարպլիի որդի Իվանի որդուն, իսկ նրանից հետո քորեպիսկոպոսություն (աթոռին) բազմեցրին Սամվել Դոնաուրիին²⁸, Դարձյալ երկրորդ անգամ եկավ նույն արաբ Խալիլը: Մարտի բռնվեցին գարդաբանցիները Գավազի²⁹ մոտ և փախուստի մատնեցին Խալիլին, և նրա զորոից շատերին կոտորեցին:

Նորից Տփղիսի ամիրա դարձավ Իսմայիլի որդի Սահակը³⁰, Երրորդ անգամ եկավ Խալիլը, որին սպանեցին Զավախբում³¹, Եվ նրա որդի Մահմեդը եկավ Քարթլի: Դիմավորեց նրան Աշոտ կյուրապաղատի որդի Բագրատը³² և շնորհեց նրան Քարթլին:

Փառասունյոթերորդ կյուրապաղատ Բագրատը՝ Աշոտ կյուրապաղատի որդին և Ատրնեսուհի ու Գվարամ Բագրատունիների եղբայրը

Իսկ այս Բագրատն իր եղբայրների հետ գրավեց Արտանուշից այն կողմ գտնվող երբեմնի իրենց տիրույթը՝ իրենց հոր հայրենիքը, և հպատակվեց սարակինոսներին: Իսկ երբ եկավ Մահմեդը Քարթլի ու նրան միացավ Բագրատը: Կյուրապաղատը, այն ժամանակ արշավանքի ելավ Տփղիսի ամիրա Սահակը զորքով և Ռեխա³³ վայրում բանակ դրեց, իսկ Մահմեդը և Բագրատը գրավեցին Ուփլիսցիսեն³⁴, Եվ եկան գարդաբանցի կախերը Սահակին օգ-

նության, բախվեցին Ռեխայի մոտ և տեղի ունեցավ ճակատամարտ նրանց միջև։ Ոչ սրանք դիմեցին փախուստի, ոչ էլ նրանք (նահանջեցին) մինչև իրարից հեռու քաշվելը։ Մահմեդը զորքը ժողովեց և գնաց Պարտավ։

Իսկ այս Բագրատը Քրիստոսից հետո 830 թ. հիմնեց և սահմանեց ափ-խաղաց կաթողիկոսությունը։

Մինչև այդ ժամանակ 219 տարի էր անցել Մահմեդի հանդես գալուց, որը սկիզբ էր դրել սարակինոսների հավատին։

Այդ ժամանակ Բաղդադից արշավեց³⁵ թուրք ստրուկ Բուղան³⁶, որին ուղարկել էր ամիրա Մումինին³⁷ մեծ զորքով։ Ասպատակեց ողջ Սոմխեթը և գերեց նրանց բոլոր իշխաններին³⁸, Եկավ և պաշարեց Տփղիս քաղաքը, քանի որ չէր հպատակվում ամիրա Սահակը, սպանեց Սահակին, ավերեց Տրփղիսը, հրի մատնեց այն և ավերեց նրա ողջ շրջակայքը³⁹։

Եվ Թեոդոսը⁴⁰, ափսաղաց թագավորը, ելավ նրա դեմ և բանակ դրեց Կլիրցիսոբում։ Իսկ Բուղան իմանալով այդ ուղարկեց իր սպասալար Զիբա-րին և Բագրատին՝ Աշոտ կյուրապաղատի որդուն։ Հարձակվեցին ու փախուստի մատնեցին ափսաղաներին, և անհամար թվով զոհեր եղան։ Եվ Թեոդոս արքան Դվալեթի ճանապարհով փախավ։

Դարձյալ նահանջողների ճանապարհը կտրեցին զորդաբանցիները Զվարիս-գվերդի⁴¹ մոտ, և մեծապես վնասեցին զորքին։ Այդ մասին իմանալով, Բուղան այնտեղից ելավ և եկավ Ճարթալեթ⁴², այնտեղ կանգ առավ, պատանդներ վերցրեց մթիուկներից՝ երեք հարյուր մարդ և կամենում էր մտնել Օսեթ ու հասավ մինչև Ցխավատ⁴³։ Սակայն հայոց էրիսթավ Աբուլաբասը⁴⁴ և Աշոտի որդի Գվարամը⁴⁵ նամակով հայտնեցին մթիուկներին, որ չթողնեն (Բուղային) մտնել (իրենց երկիրը)։ Իսկ նրանք (արաբները) սպանեցին (իրենց մոտ եղած) պատանդներին։ Աստված օգնեց, քանզի ձյուն եկավ՝ ճանապարհը կտրելով և (նրանք) հարձակվեցին (արաբների վրա)։ Աստված հաղթանակ պարգևեց, և սպանվեցին բազում սարակինոսներ, և նրանց ձիերը թռնալոր խոտ ճարակեցին ու շատերը սատկեցին։ Զորքն այնքան բազմաթիվ էր, որ կորուստը նկատելի չէր, քանզի նրա թիվը հասնում էր մոտ հարյուր քսան հազարի։

Վերադարձավ (Բուղան) և ձմեռեց Պարտավում։ Եվ զնդան նետեց ոմն բահանայի որդու, որն իշխան էր դարձել ու ավանդեց Դարդաբանը։ Բացեց Դարբանդի դուռը և դուրս բերեց երեք հարյուր ծուխ խազարներ ու բնակեցրեց նրանց Շամքորում։ Դար-ի-Ալանից դուրս բերեց մոտ հարյուր ծուխ օս և բնակեցրեց Դմանիսում՝ կամենալով ամռանը մուտք գործել Օսեթ (Ալանացի երկիր)։ Իսկ երբ Ամիր-Մումնան տեղեկացավ, որ նա բանակցում է ցեղակից խազարների⁴⁶ հետ (հրաման) հղեց Բուղային, որպեսզի Քարթլին թողնի հալիլի որդուն՝ Հումեդին⁴⁷։ Բուղան հեռացավ, և ամիրա մնաց Հումեդը՝ հալիլի որդին։ Եվ գահընկեց արեց ամիրան Հումեդին ու կարգեց Հումեդի ազգական Իսե⁴⁸ (Հիսե)՝ Շիխի որդուն։

Եվ քորեպիսկոպոս էր Գաբրիել Դոնատորին⁴⁹ Սամուել քորեպիսկոպոսի եղբայրը։ Եվ գնաց Իսեն ու եկավ մի ուրիշ ամիրա՝ Աբրահամը⁵⁰։ Վերստին որպես ամիրա եկավ հալիլի որդի Հումեդը և ավելի ինքնիշխան տիրեց այդ երկրներին՝ Սոմխեթին, Քարթլիին և Ռանին։

Եվ հեռացավ հալիլի որդին ու ամիրա դարձավ Սահակի ծառաներից մեկը՝ Գաբուլոց անվամբ⁵¹, իսկ Աշոտ կյուրապաղատի որդի Գվարամը ձերբակալեց Գաբուլոցին և ուղարկեց Հունաստան, քանի որ հզորացել էր Գաբուլոցը և (նրան) հպատակվեցին զորդաբանցիները։

Եվ Աշոտը պայթարում էր իր հորեղբորորդու՝ Գվարամի եղբոր դեմ։ Իսկ Գվարամը գրավել էր Զավախքը, Թեղքը, Տաշիրը, Աշոցքը և Արտասանը։ Եվ մարտնչում էր սարակինոսների դեմ։ Մերթ Գվարամն էր հաղթում, մերթ՝ սարակինոսները։ Իսկ Գվարամը բաժանեց իր եղբայրներ Ատրներսեհի և Բագրատի միջև երկրները և Աշոցքը բաժին հանեց իր կնոջ եղբորը՝ Հայոց արքային։

Այնուհետև մահացավ Ատրնեբսեհ՝ Գվարամի եղբայրը և Աշոտ կյուրապաղատի որդին:

Մահացավ Բագրատ կյուրապաղատը՝ Ատրնեբսեհի եղբայրը, քրոնիկոնի 96 թ. (876) և թողեց երեք որդի՝ Դավիթ, Աշոտ և Ատրնեբսեհ:

Մահացավ Ատրնեբսեհը քրոնիկոնի 94 թ. (874):

Մահացավ Աշոտը՝ Ատրնեբսեհի եղբայրը և Բագրատ կյուրապաղատի որդին քրոնիկոնի 105 թ. (885):

Այդ ժամանակ ելավ ափսազաց թագավոր Գեորգին⁵² և նրա որդին, Թեոդոսի և Դեմետրեի եղբայրը, գրավեց Քարթլին և էրիսթավ կարգեց Դեմետրեի որդի Չիխային, և երբ վախճանվեց ափսազաց թագավոր Գեորգին, մնաց Դեմետրեի⁵³ Բագրատ անվամբ մանկահասակ որդին, որը հայտնի դարձավ արտաքսվելու շնորհիվ: Եվ Գեորգի արքայի կինը սպանեց Դեմետրեի որդուն՝ էրիսթավ Չիխային: Նա խաբեց մթավար Իվանե Շավիաին և ծովը նետեցին Բագրատին: Բայց աստված փրկեց նրան, ու նա հասավ Կոստանդնուպոլիս քաղաքը: Եվ արքա Հովհանն իր որդի Ատրնեբսեհին կնության բերեց Աշոտի որդի Գվարամի դստերը: Մահացավ ափսազաց թագավոր Հովհանը, և նրա փոխարեն թագավորեց որդին՝ Ատրնեբսեհը⁵⁴, եվ գրավեց Լիպարիտը⁵⁵ Թոեղք երկիրը, շինեց Կլդեկարնի ամրոցը և այն ի տիրություն տվեց Բագրատի որդի Դավիթին:

Թեոդոս Երկրորդը մահացավ անժառանգ, և գահ բարձրացավ Գեորգին, որը որպես թագաժառանգ տիրում էր Աղծեփին: Այդ պատճառով նրան կոչում էին Գեորգի Աղծեփի: Թեոդոս թագավորեց քսանյոթ տարի:

Քառասունութերորդ թագավոր Դավիթ կյուրապաղատ Բագրատունի⁵⁶ Բագրատ կյուրապաղատի որդին

Իսկ այս Դավիթ կյուրապաղատին թշնամացավ Նասրը՝ Գվարամ իշխանի որդին, որն այս Դավիթի հորեղբայրն էր:

Գվարամի որդի Նասրը և Դուրգենն ափսազաց կողմն էին, իսկ Դավիթն ու Լիպարիտն օգնում էին հայերին, որոնք ափսազների հետ միասին կռվում էին⁵⁷ Քարթլիի համար: Այդ ժամանակ Գվարամը վանական դարձավ:

Իսկ այս Դավիթ կյուրապաղատը շինեց խախուլի եկեղեցին:

Եվ երբ մահացավ Կախեթի քրոնիկոն Գարրիել Դոնաուրին, քրոնիկոն Դարձավ Փաղ Արևմանելին⁵⁸, որն իմաստուն և գործիմասյայր էր:

Այդ ժամանակ Գվարամի որդի Նասրը խաբեությամբ (իր մոտ կանչելով) սպանեց Բագրատի որդի Դավիթին՝ իր հորեղբորորդուն:

Քրոնիկոնի 101-րդ տարին էր (881 թ.) և (Դավիթը) թողեց Ատրնեբսեհ անվամբ որդի, որը թագավոր դարձավ իր հորից հետո⁵⁹:

Քրոնիկոնի 86-րդ տարում (866 թ.) վախճանվեց Աշոտ Մեծի թոռ Աշոտ Կեկելը՝ Ատրնեբսեհի որդին:

Քրոնիկոնի 109-րդ տարում (889 թ.) վախճանվեց Աշոտ Մեծի թոռ՝ Սմբատ մամփալ Արտանուշելին՝ Աշոտ Կեկելի եղբայրը և Ատրնեբսեհի որդին: Քրոնիկոնի 163-րդ տարում (943 թ.) վախճանվեց այս Սմբատի որդի վանական դարձած Դավիթ մամփալը:

Քրոնիկոնի 208-րդ տարում (988 թ.) վախճանվեց Դավիթ մամփալ վանականի որդի Սմբատ էրիսթավաց-էրիսթավը (իշխանաց իշխանը) և թողեց երկու որդի՝ Դավիթ և Բագրատ:

Քրոնիկոնի 208-րդ տարում (988 թ.), այսինքն նույն տարում, երբ մահացավ նրա հայր Սմբատը, վախճանվեց Բագրատը՝ Սմբատի որդին և Դավիթի եղբայրը, թողնելով երկու որդի՝ Գուրգեն և Սմբատ:

Դուրգենը թողեց մի որդի՝ Դեմետրե անունով, իսկ Սմբատը՝ մի որդի՝ Բագրատ անունով:

Քրոնիկոնի 111-րդ տարում (891 թ.) վախճանվեց Աշոտ Մեծի թոռ Գուր-

զեն կյուրապաղատը՝ Սարատ մամփալ Արտանուշելու եղբայրը և Ատրնեսուհի որդին:

Քրոնիկոնի 138-րդ տարում (918 թ.) վախճանվեց Գուրգեն կյուրապաղատի որդի Աշոտ Կուխր, բրը շինել էր Տրեթի եպիսկոպոսարանը⁵⁰:

Քրոնիկոնի 116-րդ տարում (896 թ.) վախճանվեց Գուրգեն կյուրապաղատի որդի Ատրնեսուհի էրիսթավաց-էրիսթավը՝ Աշոտ Կուխի եղբայրը, թողնելով երկու որդի՝ Դավիթ էրիսթավաց-էրիսթավին և Գուրգեն էրիսթավաց-էրիսթավին:

Քրոնիկոնի 161-րդ տարում (941 թ.) վախճանվեց Դավիթ էրիսթավի եղբայր Գուրգեն էրիսթավաց-էրիսթավը:

Քրոնիկոնի 129-րդ տարում (909 թ.) վախճանվեց Ատրնեսուհի թոռ Բագրատ մամփալ Արտանուշելին՝ Սմբատ մամփալ անթիպատոս Արտանուշելու որդին և Դավիթ մամփալ վանականի եղբայրը:

Քրոնիկոնի 165-րդ տարում (945 թ.) վախճանվեց Բագրատ մամփալ Արտանուշելու որդին՝ նախկինում Ատրնեսուհի կոչեցյալը և (վանական անվամբ) Բասիլը:

Քրոնիկոնի 159-րդ տարում (939 թ.) վախճանվեց Բագրատ մամփալ Արտանուշելու որդի Աշոտը, Ատրնեսուհի վանականի եղբայրը:

Քրոնիկոնի 128-րդ տարում (908 թ.) վախճանվեց Բագրատ մամփալ Արտանուշելու որդի Դավիթ էրիսթավաց-էրիսթավը և նախկինում Ատրնեսուհի կոչեցյալ Բասիլի եղբայրը:

Քրոնիկոնի 143-րդ տարում (923 թ.) վախճանվեց Բագրատ մամփալ Արտանուշելու որդի Գուրգեն էրիսթավը՝ այս Դավիթ էրիսթավաց-էրիսթավի եղբայրը:

Քրոնիկոնի 188-րդ տարում (968 թ.) վախճանվեց Բագրատ մամփալ Արտանուշելու թոռ Գուրգենը՝ Գուրգեն էրիսթավի որդին:

Իսկ մենք սկսենք սկզբնական պատմությունն այն Դավիթ կյուրապաղատի, որին սպանեց Գվարամ մամփալի որդի Նասրը՝ իր հորեղբորորդին:

Իսկ Նասրին սկսեցին թշնամանալ հայերը, Լիպարիտը և վրացիներն ու Աշոտի եղբայր Դավիթը, նաև սրանց հետ էին սարակինոսները: Հարձակվեցին Նասրի վրա և փախուստի մատնեցին ու խլեցին բերդերը: Մեկնեց (Նասրը) Հունաստան՝ հունաց՝ արքայի մոտ⁵¹:

Եվ մահացավ Աշոտի որդի Գվարամը, թաղեցին Օպիզայի (վանքում), որը նա վերաշինել էր:

Քառասունիններորդ թագավոր Ատրնեսուհի Բագրատունին՝ թագավոր-կյուրապաղատ Դավթի որդին

Եվ վրաց թագավոր բազմեցրին Դավիթ կյուրապաղատի որդի Ատրնեսուհին: Իսկ այս Ատրնեսուհի իր թագավորության օրոք կառուցեց Բանան⁵², Կյուրիկե Բանելու գլխավորությամբ, որը դարձավ առաջին Բանելի եպիսկոպոսը:

Իսկ ափսազաց թագավոր Դեմետրի որդի Բագրատը⁵³ գտնվում էր Հունաստանում՝ Կոստանդնուպոլսում, որին հունաց արքան ղորք տվեց և ծովով ուղարկեց Ափսազաց երկիրը. (Բագրատը) սպանեց Հովհանի որդի Ատրնեսուհին և գրավեց Ափսազաց երկիրը: Եվ կնուխյան առավ նրա (Ատրնեսուհի) կնոջը՝ Գվարամի դստերը, ապա ափսազաց թագավոր Բագրատը Հունաստանից վերադարձրեց իր կնոջ եղբայր Նասրին, տալով նրան իր զորքը: Իսկ Նասրը՝ Սամցխեում⁵⁴ գրավեց երեք բերդ՝ Օձրխեն⁵⁵, Ջվարիսցիխեն⁵⁶ և Լոմսիանթան⁵⁷, որոնք նույնպես Գվարամն էր կառուցել:

Եկան Դավթի որդիներ Գուրգենը և Ատրնեսուհի, օգնեցին հայերը, բախվեցին Կուրի ափին, հաղթվեցին ափսազները, սպանեցին Նասրին և օսերի իշխան Բաղաթարին ու ափսազաց էրիսթավին:

Իսկ Փաղլա քորեպիսկոպոսը հզորացավ ու հպատակեցրեց դարդաբան-ցիներին և նրանից հետո քորեպիսկոպոս դարձավ Կյուրիկեն⁵⁸, և Քարթլին տիրում էին ազնաուրները:

Այդ ժամանակ ելավ փխազաց թագավոր Կոստանդինը⁶⁹, գրավեց Քարթլին, և նրան թշնամացավ հայոց արքա Սմբատ Տիեզերակալը⁷⁰, արշավեց մեծ զորքով, մոտեցավ Ուփլիսցիսին և, թամբերը գարսելով մեկը մյուսի վրա, հնարամտությամբ գրավեցին բերդը։ Ապա սիրահոժար խնամիացան Սմբատն ու Կոստանդինը և վերադարձրեց (Սմբատը)։ Ուփլիսցիսինն ու բովանդակ Քարթլին⁷¹։

Այս դեպքերից հետո (Քարթլի) եկավ հագարացիների ամիրան՝ Աբու-Սաջի որդի Աբու-Կասիմը⁷², որին ուղարկել էր ամիրա Մուսանն⁷³ այնպիսի մեծ զորքով, որը հրկրում չէր տեղավորվում։ Նախ զալով Սոմխեթ, ավերեց ամբողջ երկիրը՝ Սյունիքը, Վայոց ձորը և Վասպուրականը։ Եվ հայոց արքա Սմբատը նրա ահից չկարողացավ մնալ տեղում, փախավ ու պատսպարվեց փխազաց լեռներում, ուր և մնում էր։

Եվ եկավ Տիգրիս Աբու-Սաջիի որդին (Աբու-Կասիմը), որտեղ այդ ժամանակ ամիրա էր Ալիի որդի Զաֆարը⁷⁴։ Եկավ ու պաշարեց Ուջարման։ Ներսում կար երեք հարյուր մարդ, որոնք բազում օրեր մարտնչեցին։ Եվ երբ տեսան, որ չեն կարող դիմադրել, գիշերով փախուստի դիմեցին։ Ումանք փախան, ումանց էլ հասան և կոտորեցին։ Եվ երբ Բոճորմայի բերդականներն իմացան Ուջարմայի գրավման մասին, թողեցին բերդն ու փախան։ Եվ երբ եկան ու գտան այն մարդաթափ եղած՝ ասացին, «Փարախի ներսում կատաղի դիմադրում էին, իսկ բերդը թողեցին անտեղունը»։ (Արարները) գրավեցին Բոճորման իր բերդով, իսկ Ուջարմայի պարիսպները քանդեցին։

Իսկ քորեպիսկոպոս Կյուրիկեն տեսնելով իր անզորությունը, ապավինեց երդմանը, գնաց տեսության (Աբու-Կասիմին), և նա հարցրեց. «Ը՞վ ստիպեց քեզ այստեղ գալ»։ Նա պատասխանեց. «Ստիպեց մայրս»։ Եվ (Աբու-Կասիմը) ասաց. «Ոչ ոքի չեմ վշտացնի»։ Եվ սիրաշահեց նրան (քորեպիսկոպոսին) իր առաքինության համար և աղատ արձակեց, բայց Բոճորման իրեն պահեց։

Այնուհետև (Աբու-Կասիմը) ներխուժեց Քարթլի ու ավերեց, իսկ մինչև նրա ներխուժելը, ավերել էին Ուփլիսցիսի պարիսպները, որպեսզի այնտեղ (արաբները) չհիմնավորվեն։ Այնտեղից անցավ Սամցխե և ավերեց Սամցխեն ու Զավախքը, պաշարեց Թմոզլի (Թմկա) բերդը։ Եվ տեսնելով բերդի անառիկությունն ու ամրությունը, հեռացավ այնտեղից, եկավ Դվելի (բերդը)՝ շրջապատելով այն, սկսեց գրոհել։

Բերդում էր գտնվում մի (պատանի) Գոբրոն անվամբ, որը մարտնչում էր (թշնամու դեմ) ամեն օր, իր հասակակիցների հետ։ Եվ երբ գրավեցին այդ բերդը, բռնեցին սուրբ Գոբրոնին և նահատակեցին նրան, որի մարտիրոսությունն ընդարձակ նկարագրեց մեր սուրբ հայր Ստեփանոս Մտեմվարի եպիսկոպոսը⁷⁵։

Ելավ (Աբու-Կասիմը) այնտեղից և գնաց Դվին քաղաք։ Եկան և հայտնեցին նրան, թե Սմբատ արքան ամրացել է Կապոնտ⁷⁶ բերդում։ (Այնուհետև Աբու-Կասիմը) շտապ շարժվեց և հրամայեց իր զորքին, որպեսզի որևէ մարդու, որին ողջ գտնեն, բերեն իր մոտ։ Եկավ և պաշարեց Կապոնտ բերդը և բերդականների կանանց ու երեխաներին, որոնք գտնվում էին բերդից դուրս, գերեց։ Այդ իսկ պատճառով բերդը անձնատուր եղավ, Սմբատին գերի վերցրին, տարան Դվին, կախաղան հանեցին և այդպես մահացավ։

Այնուհետև, մի քանի տարի անց, և երբ շենացավ երկիրը, այն ժամանակ Կյուրիկե քորեպիսկոպոսն օգնության կանչեց փխազաց թագավոր Կոստանդինին, անցան Հերեթ և պաշարեցին Վեթինի բերդը⁷⁷։ Ափխազաց թագավորը շրջապատեց վերին, իսկ Կյուրիկեն՝ ստորին կողմից։ Եվ երբ ձեռնամուխ եղան բերդի գրավմանը, այնժամ եկավ պատրիկ Ատրնեբսեհը⁷⁸ և Ավագ ուրբաթին հաշտության պայմաններ գրեց։ Ափխազաց թագավորին հանձնեց Արիշի, Գավազնի (ամրոցները), իսկ Կյուրիկեն՝ Օրճոբի (ամրոցը)։ Եվ հաշտություն կնքելուց հետո՝ վերադարձին փխազաց թագավոր Կոստանդինը եկավ ու երկրպագեց Ալավերդի տաճարում սուրբ Գեորգիին և ոսկով դրվագեց նրա պատկերը։ Իսկ նրա մեծաքանակ զորքին Կյուրիկե քոր-

Եպիսկոպոսը ճանապարհեց մեծապես պատվելով և վերադարձավ իր երկիրը:

Սակավ-ինչ անց, վախճանվեց ափսազաց թագավոր Կոստանդինը, և Ափսազաց երկիրը որոշ ժամանակ պառակտվեց: Քանզի Կոստանդին թագավորն ուներ երկու որդի. մեկը՝ ավագ որդին Եմյուսը՝ կրտսերը, որը ծնվել էր Երկրորդ կնոջից: Ավագ որդու անունն էր Գեորգի, իսկ կրտսերինը՝ Բագրատ⁷⁶: Եվ նրանց միջև կատաղի պայքար էր մղվում՝ այնպես որ մեկը մյուսի մահացու թշնամին էր դարձել:

Իսկ այս Բագրատը Գուրգեն էրիսթավաց-էրիսթավի⁸⁰ փեսան էր, որին Գուրգենն օգնում էր իր ողջ զորութեամբ: Միայն Բագրատի մահից հետո խաղաղություն հաստատվեց: Եվ նրա մահից հետո ողջ ափսազաց թագավորությունն անցավ Գեորգի թագավորին:

Նա կատարյալ էր ամենայն բարեմասնությամբ, քաջությամբ և հաղթմարմնով, աստվածապաշտ էր, ամենից առավել եկեղեցիներ կառուցող, աղքատներին ողորմացող, առատաձեռն և հեզ ու ամենայն բարությամբ և առաքինությամբ լեցուն: Սա կարգ ու կանոն սահմանեց իր հայրենիքում և թագավորութունում: Նա կառուցեց Ճղոնդիղի⁸¹ տաճարը, դարձրեց եպիսկոպոսարան, այն ճոխացնելով սուրբ մարտիրոսների բազում մասունքներով:

Այն ժամանակ վախճանվեց Կյուրիկե քրեպիսկոպոսը, և քրեպիսկոպոս դարձավ Կյուրիկեի որդի Փաղան⁸²: Սա կառուցեց Լոծոբանի բերդը: Այդ նույն ժամանակ ներխուժեցին սաբակինոսները, որոնց կոչում էին Սաչյաններ, ավերեցին Կախեթը, այրեցին Մցխեթան և Զվարի (վանքը) ու հեռացան, հետևեցին (գերի) վարելով ջարդված պատվական խաչը: Եվ բռնկվեց որովայնացավ ու ասում էին, թե տառապեցին խաչի պատճառով: Հավարեցին (խաչի) մասերը, վերադարձին Զվարիին և տեղադրելով խաչկայի մեջ, կանգնեցրին իր տեղում:

Եվ Հերթում ի սկզբանե՝ մինչ իշխանիկի⁸³ թագավորելը, բոլորը հերետիկոսներ էին, իսկ իշխանիկը Գուրգեն էրիսթավաց-էրիսթավի քեռորդին էր, և նրա մայր Դինար թագուհին⁸⁴ (նրանց) դարձի բերեց ուղղափառության: Եվ այդ ժամանակ Սալարյանները գրավեցին Պարտավն ու Ատրպատականը:

Իսկ ափսազաց թագավոր Գեորգին Քարթլին տվեց իր ավագ որդի Կոստանտինին:

Այն ժամանակ՝ քրոնիկոնի 143-րդ տարում (923 թ.), վախճանվել էր Ատրնեբսե՝ թագավորը⁸⁵:

Քրոնիկոնի 174-րդ տարում (954 թ.) վախճանվեց Ատրնեբսե՝ թագավորի որդի Աշոտ կյուրապաղատը⁸⁶:

Քրոնիկոնի 157-րդ տարում (937 թ.) վախճանվեց Աշոտ կյուրապաղատի եղբայր Դավիթ թագավորը⁸⁷:

Քրոնիկոնի 165-րդ տարում (945 թ.) վախճանվեց սրանց եղբայր, Ատրնեբսե՝ թագավորի որդի Բագրատ Մագիստրոս կյուրապաղատը:

Քրոնիկոնի 181-րդ տարում (961 թ.) վախճանվեց այս Բագրատի որդի Ատրնեբսե՝ կյուրապաղատը⁸⁸:

Քրոնիկոնի 189-րդ տարում (969 թ.) վախճանվեց Ատրնեբսե՝ կյուրապաղատի որդի Բագրատը:

Քրոնիկոնի 186-րդ տարում (966 թ.) վախճանվեց այս Բագրատի եղբայր Դավիթ էրիսթավաց-էրիսթավի:

Քրոնիկոնի 178-րդ տարում (958 թ.) վախճանվեց Սմբատ թագավոր-կյուրապաղատը՝ Ատրնեբսե՝ թագավորի որդին ու Դավիթ թագավորի եղբայրը և թողեց երկու որդի՝ Բագրատ Խևին⁸⁹, որն իր հորից հետո թագավոր դարձավ, իսկ Ատրնեբսե՝ կյուրապաղատ:

Քրոնիկոնի 203-րդ տարում (983 թ.) վախճանվեց Ատրնեբսե՝ կյուրապաղատը:

Քրոնիկոնի 221-րդ տարում (1001 թ.) վախճանվեց Ատրնեբսե՝ որդի առաքինությամբ լեցուն Դավիթ Մեծ կյուրապաղատը⁹⁰, որի պատմությունը չստորև կպարզաբանվի:

Քրոնիկոնի 214-րդ տարում (994 թ.) վախճանվեց Դավիթ Կյուրապաղատի հորեղբայր և Սմբատ թագավոր-Կյուրապաղատի որդի Բագրատ Խեթագավորը:

Քրոնիկոնի 212-րդ տարում (992 թ.) վախճանվեց Բագրատ և Խեթագավորի որդի Սմբատը, չթողնելով ժառանգ:

**Ափխազաց թագավորի որդի Քարթլիի ճիսունեռող
թագավոր Կոստանդինը**

Երեք տարի անց սկսեց (Կոստանդինը) թշնամանալ իր հոր⁹¹ հետ՝ գահին տիրելու համար: Եվ երբ հայտնի դարձավ նրա մտադրությունը, նա (Կոստանդինը) պատսպարվեց Ուփլիսցիխե բերդի մեջ և նրա հետ էին տբեթացիք և այլ բաղում ազնաուրներ:

Իսկ Գեորգի թագավորը, երբ համոզվեց, որ իր որդին (ապստամբել է), արշավեց իր ողջ հզորությամբ, հետը բերելով Տաթի թագավորին և Փաղաքորեպիսկոպոսին և պաշարեցին Ուփլիսցիխեն: Երբեմն գրոհում էին հեծելազորով, երբեմն՝ հետևակով, բայց բերդին, ուր բազում մարդ էր պատըսպարվել, ոչ մի վնաս չհասցրին:

Այնժամ Գեորգի թագավորը Սազունբերի ազնաուրների միջոցով ապրապրեց հետևյալ կերպ. «Դուրս եկ, քեզ կտանենք Ափխազաց երկիրը, դու կթագավորես, և հայրդ կմնա (առանց գահի)»: Նա հավատաց և վստահեց, սակայն, նրա մոտ գտնվող ազնաուրներն ընդդիմանում էին. նա չանսաց նրանց, գիշերը լաստանավով դուրս եկավ Կուր գետը, և երբ հասավ Կուր գետի (հանդիպակաց) ափը, չկարողանալով այլևս համբերել, հարձակվեցին նրան բռնելու: Եվ երբ կռահեց նրանց նենգությունը, փորձեց լաստերով հետ դառնալ ափից, որպեսզի նորից բերդը մտնի: Սակայն չկարողացավ լաստերը տեղաշարժել, ջրամուկն եղավ այնտեղ, որտեղ լաստանավերը խրվել էին: Աղմուկ բարձրացավ, դուրս եկավ թագավորը՝ ամբողջ զորքով՝ հանդերձ: Նրանք շրջապատեցին բերդը: Եվ երբ լուսացավ, սկսեցին որոնել: Իսկ նա դուրս էր եկել ջրից և թաքնվել էր ժայռերի արանքում: Նրան գտավ մի անհավատարիմ մարդ, բռնեցին և բերեցին թագավորի մոտ, որը նրան խիստ պատժեց. նախ աչքերը խարանցին և հետո ամորձատեցին, և (Կոստանդինը) մահացավ: Բերդի մեջ գտնվող ազնաուրներին ապահովեցնելով դուրս բերեց, տբեթացիներին խաղաղությամբ ճանապարհեց (թագավորը) և նրանք գնացին Վասպուրական⁹²:

Վախճանվեց Փաղաքորեպիսկոպոսը և քորեպիսկոպոսի (գահին) նըստեց Կյուրիկեն⁹³: Սրանից հետո ապստամբեցին գարդաբանցի ազնաուրները, սկսեցին բանակցել Գեորգի թագավորի հետ: Արշավանքի ելավ Գեորգի թագավորը և ներխուժեց Կախեթ, հրի ու սրի մատնելով այն, վերադարձավ իր երկիրը: Դարձյալ եկավ Ատենի: Նրա որդի Լևոնը⁹⁴ Քարթլիի էրիսթավն էր, և նորից ամբողջ զորքը ուղարկեց Կախեթ: Երբ իմացավ Կյուրիկեն, որ չի կարող դիմակայել, ելավ նրանց ընդառաջ: Եվ խորամանկությամբ ուզեց նորից փախչել, (սակայն) նրան բռնեց (Լևոնը), շարժվեց Կախեթ, որպեսզի գերի վերցնի նրա կնոջն ու երեխաներին: Սակայն նրանք փախուստի դիմեցին, քանի որ Քարթլիի ազնաուրները նրանց այս մասին տեղյակ էին պահել:

Գեորգի թագավորին միացավ Կյուրիկե քորեպիսկոպոսի եղբայր Շուրտան և իր հետ բերեց Ուջարմա բերդի (բանալիները): Եվ տիրեցին Կախեթի այլ բերդերին, բացի երեք՝ Նախճավան, Բոճորմա և Լոճորան բերդերից:

Լոճորանին տիրում էր Արշիի որդի Իվանեն, որը պատսպարվեց այնտեղ, դավաճանելով տիրոջը: Կառուցեցին Շուրիս-ցիխե (բերդը), ուր և զորք տեղադրեցին: Իսկ այն ժամանակ Մարանի բերդին դարձյալ տիրում էր Արշիի որդի և Իվանեի եղբայր Խախուան, որը կամենում էր իր եղբոր պես զենքով պաշտպանել այն: Եկավ թագավորը, հրամայեց զորքին գրոհել: Սակայն նրանք գրավեցին (բերդը) հնարամտությամբ, կալանված խախուային բերեցին թագավորի մոտ, թագավորը բանտարկեց նրան և աքսորեց Զիքեթ:

Նախնական ընդհանուր տիրում էր Կյուրիկեի որդի Փաղան: Նա էլ ամրա-
յալ ալնտեղ: Տեսնելով իր անզորությունը՝ Կյուրիկե քորեպիսկոպոսը խնդ-
րեց երաշխիք, որ իրեն ողջ կթողնեն, և Կախեթը զիջեց Գեորգի թագավորին:
Իսկ արքայորդի Լևոնը չէր կամենում ազատ արձակել Կյուրիկեին, քանզի
առաջին անգամ էլ նա դեմ էր դրան, սակայն հայրը շանսաց նրան: Կյուրի-
կեն պայման դրեց, որպեսզի ձմռանը չգրավեն Բոճորմա բերդը և որ զատ-
կից հետո իրավունք տան գնալու: Նրա խնդրանքը բավարարեցին: Այդ պատ-
ճառով վերցնելով նախնական բերդը և որպես պատանդ՝ կրտսեր որդի Դավ-
թին (Կյուրիկեին) բաց թողեցին լուսարարության օրը:

Թագավորը մեկնեց Ափխազաց երկիր, իսկ Կյուրիկեն Բոճորմա մտավ,
պատրաստվում և կամենում էր Զատիկից հետո գնալ: Այնժամ դավ նյութեցին
վրաց ազնաւորները և նրանց հետ կախեթցիներ Գողերծի Մզղեուրին, Մամա
(Հայր)՝ Ղանչախին, Դաչի Կորինթեին, Դաչի և Իվանե Սիվիլոսելիները, եղ-
րայրներ Սարա և Գրիգոր Փխուենելիները, և նրանց հետ հիսուն այլ ազ-
նաւորներ ու զորավիգ եղան Կյուրիկեին: Սկսեցին դրոհել բերդերի վրա և
կարճ ժամանակ անց գրավեցին այդ բոլորը, ավերեցին Շուրիս-ցիլսն ու
Լոժոբան բերդերը և նորից Կյուրիկեն իր հայրենիքին տիրեց:

Եկան և Գեորգի թագավորին հայտնեցին Կախեթի կորստի մասին:
Հույժ տրտմեց և մեղադրեց բոլոր նրանց, ովքեր օժանդակել էին Կյուրիկե
քորեպիսկոպոսին ազատ արձակելուն: Եվ երբ ձմեռն անցավ, դարձյալ դուրս
«ղարկեց» իր որդի Լևոնի հրամանատարությամբ: Ներխուժեց և հոր ճարակ
արձրեց Կախեթը և այդ արշավանքի ընթացքում ստացան մեծ ու աստվա-
ծասեր Գեորգի թագավորի մահվան բոթը: Այնժամ Լևոնը կանչեց Կյուրիկե
քորեպիսկոպոսին. նրանք, որոնց ուղեկցում էին մեկական հեծյալ, հանդի-
պեցին Բազալեթ լճի ափին, բանակեցեցին մեկ օր, մինչև որ (Լևոնը) նրան
հայտնեց իր հոր մահը: Սեր տածելով նրա նկատմամբ, խոստացավ (Կյուրի-
կեի) որդուն իր փեսան դարձնել: Լսելով այդ, Կյուրիկեն ցատկեց ձիուց և
հրկրպագելով շնորհակալություն հայտնեց, ուրախացավ հաշտության և սի-
րո, առավել ևս խնամիրության առաջարկության համար:

Վերադարձավ Լևոնը և տիրեց իր հայրենիքին ու թագավորությանը,
բանի որ նույն ժամանակ էլ (նա) մտավ Ափխազաց երկիրը: Եվ հզորացրեց
տերը Լևոնի թագավորությունը հար և նման իր հորը: Նա ևս աստվածասեր
էր և ապեցուն ամենայն առաքինությամբ: Նա շինեց Մոքվիի եկեղեցին ու
դարձրեց եպիսկոպոսական աթոռ, օրհնեց և շնորհեց ամենայն բարիք: Եվ
ևրբ տիրեց իր հայրենիքին, ի կատար ածեց Կյուրիկե քորեպիսկոպոսին
տված խոստումը՝ իր դստերը կնության տվեց նրա որդուն: Մի որոշ ժամա-
նակ անց վախճանվեց Լևոնի դուստրը:

Վերստին սկսեց թշնամանալ Կյուրիկեին և Կախեթը նվաճելու նպատա-
կով արշավեց մեծ զորքով, իջավ Արագվի (գետի) ափը, ավերեց Մուխնարը,
Խերկը և Բազալեթը և նույն արշավանքի ընթացքում հիվանդացավ, նախն-
ջեց ու մեռավ:

Նրանից հետո գահին նստեց Լևոնի եղբայր Դեմետրեն⁹⁵ և տիրեց Քարթ-
լին: Եվ մինչ կկարգավորեր իր թագավորությունը, այդ ընթացքում անցավ
որոշ ժամանակ: (Երբ) նրա եղբայր Թեոդոսը գտնվում էր Հունաստանում,
այս երկրի որոշ մարդիկ հրահրեցին (Թեոդոսին) իր եղբոր դեմ: Քանի որ
ափխազաց Գեորգի Մեծ թագավորի կենդանության օրոք նրա երկու որդի-
ներ Թեոդոսն ու Բագրատն ուղարկվել էին Հունաստան՝ այնտեղ դաստիա-
րակվելու, որպեսզի հետագայում, իր մահից հետո, նրանց միջև տեղի չունե-
նա երկպառակություն և պայքար:

Եկավ Թեոդոսը Հունաստանից, հասավ Սամցխե, կանգ առավ Մարգիս
Մերե (ավանում), իր մոտ էր կռչում մեսիսների ազնաւորներին, զորք էր ժո-
ղովում և կամենում էր բազկի ուժով նվաճել իր հայրենիքը: Իսկ Դեմետրե
թագավորը ուղարկեց իր զորքը. հանկարծակի հարձակվեցին և փախուստի
մատնեցին Թեոդոսին: (Նա) եկավ Քարթլի և գնաց մթավար Ատրենբրսհ

Ձամելու մոտ. տարան նրան Ձամի բերդ, այնտեղից հետամուտ էր լինում իր նպատակին:

Այնժամ Դեմետրե թագավորն ուղարկեց իր զորքը, պաշարեցին Ձամի բերդը, և մարտնչում էին շուրջ երեք ամիս: Բերդից այս կողմ (գտնվողներին) մեծապես վնասում էին: Եվ երբ բերդականների վիճակը անտանելի դարձավ, խնդրեցին տալ երդում և երաշխիք, որ կթուլատրեն Թեոդոսին խաղաղությամբ հեռանալ: Նրանք վստահեցրին ու խաղաղությամբ ճանապարհեցին (Թեոդոսին): Նա գնաց Դավիթ կյուրապաղատի մոտ, որտեղ և մնաց մեկ տարի:

Իսկ այս Դավիթ կյուրապաղատը այն էր, որը մահացել էր քրոնիկոնի 221-րդ տարում (1001 թ.), որի մասին վերը խոսել ենք: Սա Ատրնեոսեհ կյուրապաղատի որդին և Սմբատ թագավոր-կյուրապաղատի թոռն էր՝ Բագրատունիներից:

Դարձյալ ելավ Տայքից (Թեոդոսը), անցավ Կախեթ: Այնժամ Դեմետրե թագավորը պատվիրակներ ուղարկեց Թեոդոսի և Կյուրիկե քորեպիսկոպոսի մոտ՝ պատգամով. «Քանզի եկել է իմ եղբայրը Հունաստանից, որպեսզի մարդկանց սաղրանքով չշարունակվի պայքարը մեր միջև, արդ, եկ քո միջնորդությամբ վստահիր եղբորս ինձ, թող լինենք երկուսս էլ հավասար տեր մեր հայրենիքի, ինչպես էինք ես և Լեոնը, առ ինձանից երաշխիք ու միջնորդներ, և քեզանից մեծապես շնորհակալ կլինեմ այդ արարքի համար»: Դեմետրե թագավորի առաջարկին տեղեկանալով, Կյուրիկե քորեպիսկոպոսը կանչեց Թեոդոսին, հաղորդեց (Դեմետրեի) երաշխիքը և ասաց. «Ծն կլինեմ քո արյան վրեժխնդիրը»: Եվ Թեոդոսին վստահելով իր եղբորը, ուղարկեց (նրա մոտ):

Այնժամ տարան նրան (Թեոդոսին) երդումով և երաշխիքով. երդումը տվեցին Սվետի Յիսովելիի առջև կաթողիկոսը, վարդապետները և բոլոր դիպրուկները:

Գալով իր եղբոր մոտ, Թեոդոսը մնաց այնտեղ մի որոշ ժամանակ: Իսկ Դեմետրե թագավորը մոռացության տալով ասածը և մարդկանց միջնորդությունը, մտադրվեց երդմնազանց լինել. կալանավորեց Թեոդոսին և խառանել աշքերը: Այս տեսնելով, նրա երկրի բնակիչները սկսեցին որոնել նրանց եղբորը, որին կոչում էին Չալա-Մեփե (գահ բարձրացնելու նպատակով), սակայն չկարողացան այդ անել, քանզի Դեմետրե թագավորը քաջ էր և զորեղ: Եվ երբ Դեմետրե թագավորը վախճանվեց, ու բոլոր երկրացիները տեսան, որ Ափխազաց և Քարթլիի (թագավորը) այլևս չթողեց գահաժառանգ, Թեոդոսին ազատելով՝ գահ բարձրացրին:

Այնժամ եկան կախերը և պաշարեցին Ուփիսցիխեն: Այդ ժամանակ Քարթլիի էրիսթավն էր զորեղ և բազում զորք ունեցող Մարուշի որդի Իվանեն: Սա պատվիրակներ ուղարկեց Դավիթ կյուրապաղատի մոտ, հորդորելով (նրան), որպեսզի արշավի իր զորքով, նվաճի Քարթլին. կամ իրեն պահի, կամ շնորհի Գուրգենի որդի Բագրատին⁹⁶, ափսազաց թագավոր Գեորգիի դստեր որդուն, որին մոր կողմից հասնում էր Ափսազաց երկիրը և Քարթլին: Այդպես էլ Մարուշի որդի Իվանեն էր կամենում Բագրատին գահ բարձրացնել: Իրազեկ դառնալով Մարուշի որդի Իվանեի ցանկությանը, Դավիթ կյուրապաղատն իր ողջ զորքով մտավ Քարթլի: Եվ իմանալով նրա՝ Դավթի, գալստյան մասին, կախերը փախուստի դիմեցին՝ նրանց թողնելով Քարթլին:

Եկավ Դավիթ կյուրապաղատը և կանգ առավ Քվախվրելիում. նրան ներկայացավ Քարթլիի էրիսթավ Մարուշի որդի Իվանեն, վերցրեց (Իվանեից) Ուփիսցիխեն, այն շնորհեց Բագրատին և նրա հայր Գուրգենին, քանի որ ինքը ժառանգ չունեի և որդեգրել էր Գուրգենի որդի Բագրատին:

Տայքի բոլոր թագավորներից առավել հզորացավ այս Դավիթ կյուրապաղատը:

Այդ ընթացքում հունաց թագավորի⁹⁷ դեմ ապստամբել էր Սկլիրոսը⁹⁸ և գրավել էր ողջ ցամաքային կողմը, թագավորներին և թագուհուն պաշարել էր քաղաքում (Կոստանդնուպոլսում), մեծ նեղություն պատճառելով նր-

րանց: Լինելով այդ վիճակում, խորհեցին այսպես. «Դավիթ կյուրապաղատից զատ, մեզ ոչ ոք զորավիգ չի կարող լինել»: Դրեցին նամակ և հղեցին Թուսիկին Քարթվելուն⁹⁹, որը գտնվում էր Սուրբ լեռան մեծ մայրավանք Մեծն Աթանասիոսի վանքում՝ Դավիթ կյուրապաղատի մոտ, խնդրելով, որ սատարի իրենց:

Այս տեսնելով, կյուրապաղատը հույժ ուրախացավ և ընդունեց հունաց արքայի նամակները ու Թոռնիկին իրազեկ դարձրեց ողջ իրողությանը: Խորհրդակցեցին Հունաստան զորք ուղարկելու և սպասալար նշանակեցին Թոռնիկին: Իսկ Թոռնիկին կյուրապաղատի և նրա նամակները (տարավ)՝ հանձնեց հունաց արքային և տեղեկացրեց կյուրապաղատի ցանկությանը: Եվ այնժամ հունաց արքան Հունաստանի վերին երկրները շնորհեց կյուրապաղատին ի տիրություն՝ իր կենդանության օրոք¹⁰⁰:

Եվ որպես պատանդ Դավիթ կյուրապաղատից պահանջեց ազնաուրների որդիներին, ու (Դավիթը) տվեց արքայորդիներին որպես պատանդ: Դարձյալ պահանջեց. կնոջ եղբայր՝ հայր Խոանեի որդուն՝ Եփթիմիոսին, ուղարկեցին հունաց արքայի մոտ: Իմանալով այս, Խոանեն, իր կամքից անկախ, հայտնելովեց և մեկնեց մայրաքաղաք (Կոստանդնուպոլիս): Եվ քանի որ թագավորները ճանաչում էին Աբուհարթին, որը հայր Խոանեի աներն էր, Խոանեն ևս մեծ սեր ցույց տվին և լավ ընդունեցին: Այնուհետև, երկարատև վեճ տեղի ունեցավ Խոանեի և իր աներոջ միջև՝ Եփթիմիոսի համար: Քանզի չէր կամենում նրան տալ, և խիստ մեղադրեց նրան Խոանեն, այսպես ասելով. «Ի՞նչ է այս: Մի՞թե դուք որդի չունեք: Արդյոք պարզ չէ, թե ում եք դուք որպես ձեր որդիների կարեկցում, իսկ իմ որդուն որբի պես զոհ բերեցիք որպես պատանդ. մի՞թե Տերը ձեզ կների»: Եվ այսպես ասածով կամքով և թագավորների որոշմամբ տարավ իր որդուն և նորից վերադարձավ Օլիմպոս:

Իսկ Թոռնիկին գրեց կյուրապաղատին. «Դիտենք, որ աստված զորավիգ է քեզ, մի՞ դավաճանիր: Եվ երբ աստծո հովանավորությամբ մեր բոլոր թըշնամիներին գերես, ողջ ավարը քոնը թող լինի»:

Այդ իսկ պատճառով կյուրապաղատը տվեց տասներկու հազար ընտիր հեծյալներ և Քրիստոսի օգնությամբ փախուստի մատնեց Սկլիրոսին, որը փախավ մինչև Պարսկաստան: Այնուհետև, թագավորների հրամանով վերադարձավ և գերեց Հունաստանի բոլոր մեծամեծներին ու նրանց ողջ ինչքն ավարի առավ, որի մի մասը բաժանեց զորքին, իսկ թանկարժեք և մեծ մասը պահեց իրեն. ոսկի, արծաթ, գործվածքներ ոսկեհյուս և այլն այսպիսիք: Եվ վերադառնալով, ողջունեց կյուրապաղատին և մեծապես սիրաշահեց:

Քանզի նախ աստվածասեր և աղքատներին ողորմացող, հեզ ու մեծահոգի էր, եկեղեցիներ շինող, բարի, առատաձեռն, մարդասեր և վանականներին պատվող, յուրաքանչյուրի համար բարեգործ և ամենայն առաքինությամբ օժտված էր (Դավիթ կյուրապաղատը): Սա կառուցեց աստծո վանք և աստծո գահ՝ Խախուլի սուրբ եկեղեցին:

Եվ երբ վերադարձավ այնտեղից, թողեց Ուփլիսցիխեում Գուրգենին և նրա որդի Բագրատին: Այդ ժամանակ դեռևս Բագրատը անչափահաս էր, այդ իսկ պատճառով որպես գահակից թողեց հորը՝ Գուրգենին: Ժողովեց վրաց ազնաուրներին և հրամայեց. «Սա Տայքի, Քարթլիի և Ափսազաց երկրի գահաժառանգն է, իմ որդին և սանը, և ևս եմ սրա խնամակալն ու սատարը, սրան հպատակվեք բոլորդ»: Եվ որոշ ժամանակ մնալով, գնաց Տայք:

Հիսուսմեկերուդ թագավոր արքայից-արքա Գուրգենի որդի Բագրատ Բագրատունին

Երբ անցավ որոշ ժամանակ, սկսեցին վերստին դավեր նյութել և խորամանկությամբ, ինչպես այդ բնորոշ է Քարթլիի ազնաուրներին. դավադրության մեջ մտնելով նաբուրդեվելիների և սաբոտարների հետ, զորք բերեցին Կախեթից, հանձնեցին Ուփլիսցիխեն, ձերբակալեցին Գուրգենին, նրա որդի Բագրատին և Գուրանդուխտ թագուհուն ու տարան Կախեթ:

Երբ այս իմացավ Դավիթ կյուրապաղատը, հույժ տրտմեց, արշավեց իր ողջ զորքով, եկավ Թոեզք՝ Կախեթ անցնելու (նպատակով)։ Կախեթն այդ իմանալով, հղեցին պատվիրակներ և դաշն կնքեցին։ ազատ արձակեցին Գուրգենին, Բագրատին և Գուրանդուխտ թագուհուն, վերադարձրին Քարթլին և Ուփլիսցիխեն, իսկ Միրքուալի և Գրուի բերդերը պահեցին իրենց։ Այդ ժամանակ Ուփլիսցիխեն և Քարթլին Գուրանդուխտ թագուհուն էին պատկանում։ Գուրանդուխտ թագուհին ավիսագաց թագավոր Գեորգիի դուստրն էր և Բագրատի մայրը։

Այդ ընթացքում անցավ երեք տարի, և Ափխազաց երկրում թագավորում էր Թեոդոս Մծուխարեն (Կույրը)։

Քայքայվեց այդ երկիրը և խաթարվեց նախորդ թագավորների կողմից սահմանված կարգ ու կանոնը։ Տեսնելով (այդ), նրա երկրի երեկիները, բուլորն անխտիր հույժ վշտացան։

Նույն Մարուշի որդի Իվանեն կամեցավ Ափխազաց աշխարհի թագավոր դարձնել Բագրատին։ Նրա հետ Ափխազաց երկրի և Քարթլիի բոլոր մեծամեծերը, էրիսթավներն ու ազնաւորները խնդրեցին Դավիթ կյուրապաղատին տալ Բագրատին իրենց թագավորու իսկ նա ստիպված, մեծ դժկամությամբ կատարեց նրանց խնդրանքը՝ ինչպես նախապես ասացինք, ժառանգ չունենալով Դավիթ կյուրապաղատը և Բագրատին որդեգրել էր որպես Տայքի երկու կողմերի¹⁰ թագաժառանգ։ Սակայն քանզի անժառանգ էր մնացել Քարթլիի և Ափխազաց երկիրը, նրանց տվեց (Բագրատին)՝ երաշխիք և պատանդ (վերցնելով նրանցից)։

Բերին նրան (Բագրատին) Ափխազաց երկիր, օժեցին թագավոր և բուլոր հպատակվեցին նրա հրամանին՝ քանզի չափահաս էր դարձել։ Եվ երբ այդ ընթացքում անցավ երկու տարի, սկսեց կառավարել, ձեռնամուխ եղավ կարգավորելու ամեն մի գործ իր պապի՝ Գեորգի մեծ թագավորի նման, գեռավելին՝ քանի որ ամեն ինչով նմանվում էր իր դաստիարակին՝ մեծ թագավոր Դավիթ կյուրապաղատին։ Ակներև էին նրա բարության բոլոր գործերը։ Ուղարկեց Թեոդոսե թագավորին՝ իր մորեղբորը, Տայք՝ Դավիթ կյուրապաղատի մոտ, ավելի բարվոք համարելով այն, որ յուրաքանչյուր մարդ, մեծ թե փոքր, բարի գործի համար հույս, իսկ չարագործության համար վախ ունենա։

Այս բոլորից հետո նա անցավ Քարթլի, որպեսզի կարգավորի Քարթլիի խառնաշփոթ կացությունը։ Եկավ և կանգ առավ Թիդուայում։ Իսկ այդ ժամանակ Քարթլի ազնաւորները, որոնցից յուրաքանչյուրն առանձին էր տնօրինում Քարթլիի գործերը, թեև Գուրանդուխտի հպատակության ներքո էին, դժգոհ էին նրա գալուց։

Քավթար Տրելու առաջնորդությամբ (նրանք) ընդառաջ ելան մարտնչելու և կանգ առան Մոզրիի սահմանագլխին։ Ափխազաց թագավոր Բագրատն (այդ) տեսնելով, ոտքի հանեց իր զորքը, գնացին և մարտնչեցին։ Փախուստի մատնեցին քարթվելներին։ ոմանց կոտորեցին, ոմանց գերի վերցրին, իսկ այլք փախան և ցիր ու ցան եղան։ (Բագրատը) եկավ Ուփլիսցիխե, վերցրեց բերդն իր մորից, մնաց մի քանի օր և փոքր ինչ կարգի բերեց դրությունը Քարթլիում, ապա մեկնեց Ափխազաց երկիր, հետը վերցնելով իր մորը։ Եվ որպես հմուտ նավավար կարգավորեց Ափխազաց երկրի գործերը, քանզի որևէ մեկի չնչին անհնազանդությունը տեսնելիս նրա տեղն իր համախոհին և հավատարմին էր նշանակում։

Եվ այդ ընթացքում անցավ մի քանի տարի։ Այն ժամանակ Կղեկարիի էրիսթավն էր Ռատը և տիրում էր Ատենի բերդին ու Քարթլիի այն մասին, որ ընկած էր գետից հարավ։ Թեոդեին, Մանգլեաց փոքրին և Սկվիրեթին (Ռատը) կամովին չէր հնազանդվում Բագրատ թագավորին։

Բագրատ թագավորը ծածուկ ժողովեց իր ողջ զորքը և մտավ Քարթլի, կամենալով բռնել էրիսթավ Ռատին։ Այնժամ իսկույն հայտնեցին Դավիթ կյուրապաղատին, ամբաստանելով հետևյալ կերպ։ «Ուրիշ այլ տեղ չի գնալու, այլ քո մահն է փնտրում»։ Եվ պատրաստվել էր Գուրգենը՝ Բագրատի հայրը, գնալու իր որդու (Դավթի) մոտ։ Իսկ Դավիթ կյուրապաղատը շտապ

և կավ, հավաքեց իր զորքը և իրազեկ դարձրեց հայոց բոլոր թագավորներին։ Այն ժամանակ դեռևս ողջ էր Բագրատի պապը՝ վրաց թագավոր Բագրատունա ես եկավ Դավիթ կյուրապաղատի մոտ, քանզի երկյուղ էր կրում, որ իր որդին՝ Գուրգենը, իրենից կխլի թագավորությունը։ Մեծ զորքով եկան և կանգ առան Դիվում։ զորքն անհամար էր, և զորքն ուղարկեց Գուրգենի դեմ։ Ելան Գուրգենին ընդառաջ և կովի բռնվեցին Գարդաթխրիում՝ Շավշեթի սահմանագլխին, փախուստի մատնեցին Գուրգենին, (որը) մազապուրծ եղած պատսպարվեց Մեփիսցիխեում։

Այն ժամանակ Բագրատը եկել էր Թռեղք, կանգ առել Կարուշեթում։ Ուղարկեց պատվիրակներ, զորատես կատարեց և տեսավ, որ ուժով չի կարող դիմակայել Դավիթ կյուրապաղատին։ Այնժամ թողնելով իր զորքը տեղում, ինքը միայնակ գնաց նրա (Դավիթ կյուրապաղատի) մոտ, ներում հայցեց և ասաց հետևյալը. «Ուրիշ այլ նպատակով չեմ եկել, քան Ռատի անհնազանդության պատճառով»։ Իսկ նա ճանապարհեց և հրամայեց. «Ասացին ինձ... թե ելել էիր իմ մահը փնտրելու, սակայն այժմ իմացա հավաստի, որ դու անմեղ ես։ Այլևս արտոնում եմ քեզ Ռատին հնազանդեցնել, ինչպես ինքդ կամենաս»։

Այնժամ բերկրանքով լի վերադարձավ Ափխազաց երկիր, որպեսզի Ռատին կասկածի տեղիք չտա և անակնկալ հարձակվելով հանկարծակիի բերի նրան։ Երբ ձմեռը հասավ (Բագրատը) իր ողջ զորքով եկավ և մոտեցավ Կլդեկարի բերդին։ Տեսնելով այս, Ռատն ընդառաջ ելավ, վերցնելով իր հետ որդուն՝ Լիպարիտին, աղերսեց (գթություն) ափխազաց թագավոր Բագրատից և իր բերդը տվեց նրան, ինքն իր հայրենիքում՝ Արգվիթ (գավառում) մնաց։

Իսկ այս ընթացքում վախճանվել էր մեծ կյուրապաղատ Դավիթը, ինչպես վերև ասացինք։ Դավիթը մահացավ անժառանգ։

Եվ Հայնկույս Տայքն ավերվեց, ու եկավ հունաց արքա Վասիլը, որին Դավիթի աղնաուրները հանձնեցին բերդերը, և արքա Վասիլը նվաճեց Դավիթ կյուրապաղատի հայրենիքը։

Եվ գնացին նրա մոտ ափխազաց թագավոր Բագրատը և նրա հայր Գուրգենը ու Վասիլ արքան մեծարելով, Գուրգենին շնորհեց մագիստրոսություն, իսկ Բագրատին՝ կյուրապաղատություն, որպեսզի դրանով իսկ թշնամացնի միմյանց հորն և որդուն ու այդպես սադրեց։ Սակայն Գուրգենը ճշմարտասեր և ուղղամիտ էր, և նրա հոգին չխռովվեց խարդավանքից ու չդիմեց որևէ նենգություն։

Այնուհետև, մի քանի տարի անց, քրոնիկոսնի 228-րդ տարում (1008 թ.) վախճանվեց արքա իսկ Բագրատի որդի արքայից-արքա Գուրգենը՝ Բագրատ թագավորի հայրը։

Դարձյալ որոշ ժամանակ անց, և ինչպես նախապես ասացինք, բարեկամեց և կարգավորեց Ափխազաց երկրի բոլոր գործերը. անհնազանդներին շնորհազրկեց և նրանց տեղը կարգեց իր կամքին հավատարիմ և ծառայամիտ հնազանդներին։ Եվ իր կառավարմամբ գերազանցեց ափխազաց ու Քարթլիի բոլոր թագավորներին։ Եվ բյուրապատկեց իր զորքն առավել, քան երբևիցե։

Արշավեց (Բագրատը) իր ողջ զորքով, եկավ Քարթլի, պատվիրակներ ուղարկեց Կախեթ, պահանջեց Քարթլիի այն բերդերը, որ նրանք գրավել էին։ Այն ժամանակ (Կախեթում) քորեպիսկոպոս էր Դավիթը¹⁰², Սակայն նա չկամեցավ հանձնել բերդերը, այլ տվեց հետևյալ պատասխանը. «Եթե կամենում ես բերդերը վերցնել, ապա մեր մեջ այդ կորոշեն հավատարիմ բազուկը և պատերազմը։ Իսկ ես կդիմավորեմ քեզ Քսանի գետի վրա»։

Հայրացավ Բագրատը՝ ափխազաց և վրաց թագավորը։ Իսկ կյուրապաղատը այնժամ գտնվում էր Դիվում, որովհետև կարգավորում էր Տայքի և Քարթլիի գործերը, քանի որ այն ժամանակ, իր հոր՝ արքայից արքա Գուրգենի մահից հետո ինքն էր տիրում Տայքին։ Շտապ սուրհանդակ ուղարկեց, կանչեց ափխազաց և վրաց զորքը, իսկ ինքը շարժվեց վերին (Քարթլիի)

առո՞ւմ, անցավ Թեոդոր և Մցխեթի կամուրջը: Նրան միացան ափսազները և մոռցիկները: Կանգ առավ Թիանեթում, սկսեց ասպատակել Կախեթը: Եվ լկա-
րողացավ դիմակայել Դավիթը, քանի որ (Բագրատի) զորքն անհամար էր,
սկսեց պաշարել բերդերը, և այդ ժամանակ նվաճեց Հերեթ երկիրը, իշխան
կարգեց Արուսիկին և հետ դարձավ:

Եվ նույն ժամանակ, երբ ափսազաց Բագրատ թագավորը հեռացավ,
նորից հերեթցիներն անշատվեցին և միացան Դավթին, որը գրավեց Հերեթը:
Փոքր-ինչ անց (Դավիթը) մահացավ: Դարձյալ ելավ Բագրատն իր ողջ զոր-
քով, կրկին նվաճեց Հերեթը: Դինար թագուհուն (ի կնություն) առևանգեց,
ձգտւց գրավել Կախեթը և իր անհամար զորքով երկու տարում գրավեց Կա-
խեթի բոլոր բերդերը, Կյուրիկեին¹⁰³ շրջափակեց Բոճորմայում, բերդը պա-
շարեց մոտ մեկ տարի, գրավեց Բոճորման: Եվ ամբողջ Հերեթն ու ամբողջ
Կախեթը գրավեց, Կյուրիկեին գերեց և պահեց իր պալատում:

Այն ժամանակ հզորացավ Փաղունը¹⁰⁴ Գանձակի ամիրան, սկսեց հա-
ճախակի նեղել Հերեթի և Կախեթի էրիթթավներին, ժամանակ առ ժամանակ
ավազակաբար և գաղտագողի տեղ-տեղ ասպատակելով և գերեվարելով: Իսկ
Բագրատ մեծ արքան տեսնելով նրա հանդգնությունը, խիստ զայրացավ և
լցվեց վրեժխնդրությամբ: Պատրաստվեց իր ողջ զորքով, պատվիրակ ուղար-
կեց Գագիկ շահնշահ¹⁰⁵ հայոց թագավորի մոտ, խնդրելով, որ վրիժառու լինի
Փաղունից: Իսկ Գագիկը մեծապես ուրախացավ, շտապ կանչեց իր ողջ զոր-
քը և գնաց ափսազաց թագավոր Բագրատի մոտ: Երկուսն էլ եկան Ձորա-
կերտ¹⁰⁶, գնացին խիստ ամբարտավան դարձած Փաղունի՝ քրիստոնյաներին
ատողի դեմ, որն ըստ ամենայնի ձգտում էր ոչնչացնել խաչի երկրպագունե-
րին: Եվ երբ (Փաղունը) տեսավ նրանց հզոր ուժը, վախեցավ, հեռացավ և
գնաց ամրոցները՝ պատսպարվելու:

Մեծ և ամեն գործով փառաբանված Բագրատ արքան գերեվարեց Ռա-
նի (Առան) երկիրը, պաշարեց Շամքոր քաղաքը, տեղագրեց քարանետ գոր-
ծիքները, մի քանի օրից ավերեց Շամքորի պարիսպները: Հաջորդ օրը մտա-
դիր էր ավարի և գերեվարության մատնել քաղաքը: Նույն գիշերը Փաղունը
պատվիրակ ուղարկեց և ներում խնդրեց, խոստանալով իր ողջ կյանքի ըն-
թացքում ծառայել, տվեց խարաչ և պարտավորվեց անձամբ արշավել (Բագ-
րատ III-ի) թշնամիներին դեմ: Այնժամ (Բագրատ III-ը) հրամայեց և ժողո-
վեց բոլոր գիղեքույններին իր մոտ. նախ հրամայեց, որ այն քաղաքը գրավեն
իրենց ուժով: Խորհուրդ արեցին, խորհեցին և ասացին, որ ոչ ոք ի վիճակի
չէ (այդ կատարել): Առավել ևս այն պատճառով, որ ռազմական այլ գործե-
րով զբաղված լինելով՝ ժամանակ չունենին:

Դարձյալ հրամայեց և մտադրվեց դաշն կնքել Փաղունի հետ: Եվ նրան-
ցից յուրաքանչյուրն իր (իմաստությամբ) դատելով՝ լավագույնը համարեց
դաշինքը: Հրամայեց և ուղարկեց պատվիրակ, որի միջոցով հայտնեց հա-
վաստի դաշն ընդունելու մասին: Այնժամ Փաղունը մեծապես ուրախացավ,
կատարեց իր բոլոր տված խոստումները. նվերներ շնորհեց մեծ ու անհա-
մար, բոլոր գիղեքույններին անհամար ընծաներ շնորհեց, և հաղթանակած
(Բագրատ III-ը) վերադարձավ¹⁰⁷:

Այս թագավորության օրոք էր ապրում մեր սուրբ հայր Եփթիմեոս Վրա-
ցին, մեր վրաց գրքերի թարգմանիչը: Այս նույն մեծ արքան շինեց Բե-
դիայի կաթողիկե եկեղեցին և այն դարձրեց եպիսկոպոսարան, այնտեղ փո-
խադրելով Գուդաղվայի եպիսկոպոսությունը: Շնորհեց բազում գյուղեր տար-
բեր ձորերով ու այլ վայրերով հանդերձ, սահմանեց կանոնադրություն ըստ
ամենայնի, զանազան հանդերձանքով ճոխացրեց եկեղեցին, օրհնեց և կար-
գեց եպիսկոպոս: Եթե որևէ մեկը կամենում է տեսնել և համոզվել նրա վե-
հույնության մեջ, նախ թող տեսնի Բեդիայի կաթողիկե եկեղեցու սպասները և
դրանով համոզվի, որ Վրաց և Ափսազաց երկրում չի եղել նրա նման մի այլ
թագավոր:

Նա ինքն օրհնեց նաև Քութաթիսի եկեղեցին, մեծ և անզուգական կա-
նոններ շնորհելով: Ժողովեց բոլոր մերձակա իշխաններին և կաթողիկոս-

ներին¹⁰⁸, վարդապետներին ու բոլոր վանքերի վանահայրերին, Վերին և Ներքին երկրների դիպերուկներին, որոնք գտնվում էին իր հայրենիքում ու տիրությունում և այլ իշխանություններում:

Իսկ այս արքա Բագրատ կյուրապաղատը նվաճեց ամբողջ Կովկասն ինքնակալությամբ՝ Զիքեթից մինչև Գուրգանի (Վրկանա) ծովը, Ատրպատականը և Շիրվանը, Սոմխիթի թագավորներով հանդերձ հարկատու դարձրեց: Իր իմաստությամբ և հզորությամբ, առավել իր արքունիքով՝ պարսից արքային յարեկամ և հավատարիմ դարձրեց, նաև հունաց արքան էր մեծապես երկյուղ կրում նրանից:

Վրաց և ափսաղաց թագավոր Բագրատը գերազանցեց բոլոր միապետներին իր ամբողջ տիրակալությամբ: Սրան հպատակվեցին և հնազանդվեցին բոլոր իշխողները, նրա թագավորության հայրենատերերն ու իշխանները՝ որպես հավատարիմ զորականներ: Եվ աստված նրա հպատակը դարձրեց իր բոլոր թշնամիներին և հակառակորդներին, նրա օրոք խաղաղություն և մեծ անդորր շնորհեց երկրին: Եվ եթե որևէ մեկը կամենա հիշատակել նրա ողջ գործերն առանձին-առանձին, ապա ուժերը չեն բավարարի, ուստի մասամբ կհիշատակեմ ժամանակի ընթացքում մոռացության չտալու համար:

Եվ այս էլ ասենք, որ Վախտանգ Գորգասալ մեծ արքայից հետո նրա նման մեծագոր և իմաստուն ոչ ոք չի եղել, եկեղեցիներ կառուցող, աղքատներին ողորմացող և արդարադատ էր յուրաքանչյուրի նկատմամբ:

Վախճանվեց կաթողիկոս Սիմեոնը, և արքան կաթողիկոս-պատրիարք կարգեց մեծատոհմիկներից մեկին՝ իր մերձավոր և հոգեզավակ Մելքիսեդեկին: Իսկ այս սուրբ թագավորը մեկնեց Կոստանդնուպոլիս՝ հունաց Վասիլ արքայի մոտ, օժանդակություն խնդրելու համար: Քանի որ կաթողիկե առաքելոց մեծ եկեղեցի Ավետի Ցխովելին, որը կառուցել էր Վախտանգ Գորգասալը, խարխվել էր և ժամանակի ընթացքում սյունազարդ կամարներն ու զավիթը փլվել էին, և ոչ ոք ի վիճակի չէր վերակառուցելու և շունք կարողություն այդ անելու: Գնաց և հայտնեց նրան վրաց անզորությունը և իր խնդրանքը:

Այնժամ Վասիլ արքան շնորհեց Կեստորիա վանքը, որն ուներ ՃԾ (105) գյուղ, գանձ և եկեղեցիների զարդեր, սրբապատկերներ ու խաչեր, քահանայապետական և քահանայական հանդերձանք: Վերադարձավ և եկավ իր երկիր Քարթլի և թագավորանիստ Մցխեթա քաղաք: Եվ սկսեց զավիթն ու արտաքին սյունազարդ կամարները վերականգնել, տանիքը ծածկել, ամեն ինչը իր ավարտին հասցրեց: Աստված արժանացրեց Մցխեթա քաղաքի նորոգմանը և կաթողիկե առաքելական մեծ եկեղեցին՝ ըստ ամենայնի զարդարեց ոսկով և արծաթով, ակներով ու մարգարիտներով, դրվագեց Սվետի Ցխովելին ոսկով և արծաթով, դրվագեց սուրբ բեմը ոսկով ու արծաթով, մեծագին քարերով ու մարգարիտով, դրվագեց միջնորմը և աղոթարանի մուտքը ոսկով ու արծաթով, ակներով և մարգարիտներով կերտեց սուրբ մարտիրոսարանը, զարդարեց կենարար երկու խաչը ակներով ու մարգարիտներով, բոլոր սրբերի բազում մասունքներին հանգստություն տվեց և կենարար մի այլ խաչ ևս զարդարեց, դրվագեց և զարդարեց ակներով ու մարգարիտով, ոսկով և արծաթով թվով հիսունհինգ սրբապատկեր, քահանինգ գիրք, դրվագած և առանց դրվագելու գրել տվեց ու շնորհեց (եկեղեցուն):

Բայց այս էլ ասենք, թե Բագրատունի քանի թագավորների և կյուրապաղատների մասին խոսեցինք վերը, որոնցից ոմանք թագավորել են Քարթլիում և ոմանք Սամցխե-Տայքում, մինչ այս Բագրատի գահ բարձրանալը՝ եվ երբ թագավոր դարձավ, արդեն ոմանք վախճանվել էին և ոմանք էլ սրա օրոք մահացան: Սրա ժամանակ ուրիշ Բագրատունի այլևս չկար, բացի Բագրատ Արտանուջելու որդիներ Սմբատից և իր եղբայր Գուրգենից, որոնք թագավորում էին Կղարքքում և որոնց մահը վերը նկարագրեցինք:

Սմբատի մահը տեղի ունեցավ քրոնիկոնի 231-րդ (1011 թ.) տարում: Նրա եղբայր Գուրգենի մահը տեղի ունեցավ քրոնիկոնի 232-րդ (1012 թ.) տարում:

Այսպես եղավ նրանց վախճանը՝ այն ժամանակ, երբ Բագրատ արքա նյութապաղատ ֆանասկերտ բերդը տեսակցության կանչեց այս երկու եղբայրներին՝ Կղարջքի թագավորներ Սմբատին և Դուրգենին՝ Բագրատ Արտանուշեղու որդիներին, այդտեղ էլ կալանավորեց և գրավեց նրանց բերդերն ու քաղաքները, բանտարկված լինելով Թմոզվի բերդում հենց այնտեղ էլ վախճանվեցին Սմբատը և Դուրգենը:

Իսկ Գուրգենի որդի Դեմետրեն և Սմբատի որդի Բագրատը գնացին Կոստանդնուպոլիս՝ վասիլ արքայի մոտ: Նաև նրանց որդիները՝ Կղարջքի արքայազները, որոնք մնացել էին այդ երկրում, բոլորը մահացան բանտարկության մեջ:

Այնուհետև Բագրատ թագավորը շրջեց իր ողջ թագավորությունում՝ Ափխազաց աշխարհում, Հերեթում և Կախեթում, եկավ և ձմեռեց Տայոց գավառներում, և երբ վրա հասավ ամառը, եկավ Փանասկերտ բերդը երրորդ տարում և այնտեղ վախճանվեց այս Բագրատ արքան:

Թագավորեց երեսունվեց տարի և վախճանվեց ծերունազարդ հասակում՝ քրոնիկոնի երկու հարյուր երեսունչորսերորդ (տարում) (1014 թ.) մայիսի յոթին, ուրբաթ օրը: Եվ իր մահվան օրը Տայքում էր գտնվում: Եվ նրա աճյունը Զվիադ էրիսթավաց-էրիսթավր բերեց ու թաղեց Բեդիայում:

Նրանից հետո թագավոր դարձավ նրա որդի Գեորգին: Նա ևս առնչեցուն էր ամենայն առաքինությամբ:

(շարունակելի)

ԾԱՆՈԹԱԳՐՈՒԹՅՈՒՆՆԵՐ

1 Ավատատիրական հասարակության բարձր խավի ներկայացուցիչ, իշխող հարստության պարսպապատ, տեղական լիիրավ իշխան:

2 Ստեփանոսի որդին, Քարթլիի էրիսթավար (մոտ. 668—718 թթ.): Աղբյուրներում հորջորջվում է նաև որպես «թագավոր»:

3 Հին Վրաստանի պատմական ավանդության համաձայն Միրիան III-ից՝ բյուզանդական կայսր Կոստանդին Մեծի (306—337 թթ.) և հայոց արքա Տրդատի (287—330 թթ.) ժամանակից սկսած վրաց թագավորները ներկայացվում են որպես իրանական հոսրովյանների հետնորդներ:

4 Ափխազաց թագավորության հիմնական մասը: Այն առաջացել է լազական թագավորության անկումից հետո՝ I դարում: VIII դ. վերջերից եզերքը գտնվել է ափխազաց թագավորների իշխանության ներքո:

5 Հայկական աղբյուրներում՝ «Բյուզան»:

6 Այդ ճանապարհն Աղվանքի և Քարթլիի բնակչության փոխառնչությունների առումով կարևոր նշանակություն ունեն:

7 Խազարները Քարթլին ավերել են 764 թ., իսկ Զվանշերին և Շուշանին գերել են 761 թ. (ხაჭაბუგელოის ისტორიის ნათყვევები, ტ. II, ტბ., 1973, გვ. 292—293):

8 Արդեն Սելեկյանների ղեկի Անդրկովկաս կատարած արշավանքների ժամանակաշրջանում Դարիալի լեռնանցքը («Ալանաց դուռ») մեծ դեր է խաղացել Անդրկովկասի և Հյուսիսային Կովկասի ժողովուրդների փոխհարաբերություններում, ինչպես նաև Հյուսիսային Կովկասը կապում էր Մերձավոր արևելքի հետ (Г. Г. Мкртумян, Грузинское феодалное княжество Кахети в VIII—XI вв. и его взаимоотношения с Арменией, Ереван, 1983, с. 33—34):

9 Գեորգյունից Զվանշերը վերադարձել է 771 թ.:

10 Խոսքը վերաբերում է իրանական հոսրովյաններին (Г. В. Пуглая, нел. աշխ., էջ 80, ծան. 5):

11 Նկատի ունի վախտանգ Գորգասալին (մոտ V դ. 40-ական թվականներ — 502 թ.):

12 Անդրկովկասում Արաբական խալիֆայի տիրապետությունը համեմատաբար կայուն բնույթ ստացավ էմիր և դորավար Մովսես իբն-Մուհամմեդ II-ի (744—755 թթ.) օրոք, որն ավերի. ասպուտակություն կատարեց ղեկի Հայաստան ու Վրաստան: VIII դ. 30-ական թվականներին կազմավորվում է Տփղիսի էմիրությունը:

13 Նկատի ունի «Արմինիա» փոխարքայության ոստիկան Եղիզ իրն-Ուսայգ աս-Սուլա-մին (752—765 թթ.), որը, հավանաբար, հրկյուղ կրելով խաղարական ասպատակություննե-րից՝ Ալանաց աշխարհի կողմից ժավալեց ռազմական գործողություններ:

14 Զինվորական, դատական և քաղաքացիական իշխանություն կրող անձ, որն իր տնո-րինության ներքո գտնվող ավատատիրական տիրույթներում հանդիսանում էր փոխարքա: Նշանակում է նաև աշխարհագրի գլուխ, զորապետ:

15 Խոսքը վերաբերում է Ափխազիայում իշխող Լևոն II-ին (758—798 թթ.), որ բյու-ղանգական կայսր Լևոն IV-ի (775—780 թթ.) զարմիկն էր և անվանապես կախում ուներ կայսրությունից: Սակայն, օգտվելով կայսրության զգալի թուլացումից և հենվելով խաղար-ների օժանդակության վրա, 787 թ. իրեն հռչակեց «ափխազաց թագավոր» (Մ. Գ. Мкрты-мян, Նշվ. աշխ., էջ 76—77):

16 Նկատի ունի Ատրենբուհ Ռազրատունուն՝ Աշոտ I կյուրապաղատի հորը (786—826/836 թթ.):

17 Որոշ գրչագրերում այս հատվածին փոխարինում է Սմբատ Ռազրատունու «Ժամա-նակագրությունից» վերցրած տեքստը (§ 28):

18 Տվյալ դեպքում տարեգիրը թույլ է տվել ժամանակագրական ակնհայտ վրիպում, IX դ. սկզբին վերագրելով մեծ մասամբ զորթվար Մասլամայի (725—729 թթ.) գլխավորու-թյամբ VIII դ. առաջին քառորդում արաբների ձեռնարկած արշավանքները, երբ վերջիններս Պվելի ու ավելի էին մոտենում կայսրության մայրաքաղաք Կոստանդնուպոլսին (Մ. Դ. Лордкипанидзе, Նշվ. աշխ., էջ 66, ծան. 21):

19 Ցեղային ավագանուց էին սերում Կախկթում իշխող առաջին քորեպիսկոպոս Գրիգորը (782—827 թթ.) և նրա հետնորդները, որոնք զարձան նոր պետական միավորման իշխող-ները (Մ. Գ. Мкртымян, Նշվ. աշխ., էջ 72):

20 Նկատի ունի ափխազաց թագավոր Թեոդոս II-ին (798—825 թթ.):

21 Վրացերեն «ԾԾԾ» (մթա՝ «լեռ») բառից: Հյուսիսային Կովկասի լեռնաբնակ ազգա-գրական խմբերի հավաքական անվանումն է:

22 Դարիալի կիրճի (Ալանաց դուռ) մոտ և Թերեք գետի շրջանում (այժմ՝ ՎեՍՀ Կաղ-բեկի շրջան) հնում ապրած ցեղ, Մանարքի (Մանարաց աշխարհի, ըստ արար. աղբյուրների՝ Սանարիայի) հիմնական բնակիչները:

23 Կուր գետի ձախ վտակը. հոսում է Մցխեթի և Կասպիի միջև գտնվող Քսանի գյուղի մոտով:

24 Խոսքն արար նշանավոր զորավար Խալի իրն Յաղիզ աշ-Նայբանի (829—832 թթ.) մասին է, որը կառավարել է Խալիֆ ալ-Մամունի (813—833 թթ.) օրոք:

25 Աշոտ I կյուրապաղատի մահվան ստույգ տարեթիվը հայտնի չէ: Հետազոտողներն այն գնում են 826—836 թթ. միջև:

26 Նկատի ունի Տփղիսի էմիր Ալի իրն Շուարին (829—830 և 833 թթ.):

27 Խոսքը Կախկթի կառավարիչ Դալի (827—839 թթ.), ավելի ստույգ՝ Վաչեի մասին է:

28 Խոսքը վերաբերում է Կախկթի քորեպիսկոպոսին, որն իշխել է 839—861 թթ.:

29 Ներկայիս Ախալսոփեի գյուղն Ալադանի ձախ ափին, Ղվարելի բնակավայրից հա-րավ. արևելք:

30 Իշխել է 833—853 թթ.:

31 Այս տեղեկությունները համահունչ են Ստեփանոս Տարոնեցու (XI դ.) վկայություննե-րին: Սակայն նա ի տարբերություն վրաց տարեգրի, նշում է Խալիդի դեպի Վրաստան կատա-րած արշավանքի տարեթիվը, ինչպես նաև այն վայրը, որտեղ նա սպանվեց, այսինքն՝ Զա-վախքում գտնվող Խոզարի գյուղը և 841 թվականը (Ստեփանոսի Տարոնեցու Մատուցան Պատմության Տիեզերական, ՍՊԲ., 1885, էջ 106):

32 Իշխել է 826—876 թթ.:

33 Գյուղ ներկայիս Գորի քաղաքի մոտ:

34 Բառացի նշանակում է «Տիրակալի բերդ»: Անձավային ավան՝ Գորիից 10 կմ դեպի արևելք, Կուր գետի ձախ ափին: Հին ժամանակներից ի վեր եղել է հայ գաղթականության բնա-կավայրերից մեկը:

35 Իր գերիշխանությունը Քարթլիի արևելյան շրջաններում հաստատելու միտումով Աբբաս-յանների հարստության հիմնադիր Աբու-Ջաֆարը (754—775 թթ.) եռանդուն քայլերի դիմեց:

36 Արաբական պատժիչ զորքերի հրամանատար, որը 852—855 թթ. դաժան հաղվեհարդար է ակեսել հայ և վրաց ազգաբնակչության հետ՝ հակաարաբական ընդվզումների պատճառով:

- 65 Ներկայիս Արասթումանի բնակավայրը:
- 66 Ամբոց հարավ-արևմտյան Վրաստանում:
- 67 Ախալցխայի հին անվանումը:
- 68 Կախեթի քորեպիսկոպոս Կյուրիկե I (893—918 թթ.):
- 69 Ափխազաց թագավոր Կոստանդին III (893—922 թթ.):
- 70 Հայոց թագավոր Աշոտ I-ից հետո (890 թ.) գահ բարձրացավ նրա ավագ որդի Սըմբատ I-ը (890—914 թթ.), որն իր միավորիչ անխոնջ գործունեության համար կոչվեց «Տիեզերակալ», այսինքն՝ «Աշխարհակալ»:
- 71 Արևելյան Վրաստանի մարզ, որը ղեպի հյուսիս ձգվում էր մինչև Դարիալի կիրճը, ղեպի հարավ՝ մինչև Հայաստանի հյուսիսային սահմանը, արևմուտքում այն հասնում էր մինչև Սուրամի լեռները, իսկ արևելքում՝ մինչև Կախեթ-Հերք, Համապատասխանում է հին հունա-հռոմեական աղբյուրների Իբերիային և հայկական աղբյուրների Վերքին:
- 72 Պատմության մեջ հայտնի Սաշյաններ՝ արար իշխողներից մեկը՝ Յուսուֆ իրն Մ.թ. Սաշը (901—928 թթ.):
- 73 Նկատի ունի խալիֆ Մուքտազիրին (908—932 թթ.):
- 74 Տփղիսի էմիր Ջաֆար իրն Ալի (909—914 թթ.):
- 75 Նկատի ունի Տրեթի եպիսկոպոսին:
- 76 Պիտի լինի «Կապույտ բերդը», որը գտնվում էր Մեծ Հայքի Այրարատ աշխարհի Արշարունիք գավառում:
- 77 Աբխազից արքա Դավթի պատմիչը (Ճ. Գ. I, էջ 321—322) այս ամբողջ տեղակայում է Կախեթում, մինչդեռ այն գտնվում էր Հերքում՝ ըստ Կախեթի սահմանի մերձակայքում:
- 78 Հերքի իշխող (մոտ 906—943 թթ.):
- 79 Կոստանդին III-ը առաջին ամուսնությունից (Ատրենբրսեհի դստեր հետ) ունեցել է Գեորգի II-ին (922—957 թթ.), իսկ երկրորդ ամուսնությունից (հայոց արքա Սմբատի դստեր հետ) ունեցել է Բագրատ II-ին:
- 80 Կղարչքի կառավարիչ (918—941 թթ.):
- 81 Նկատի ունի Մարտվիլիի մայր տաճարը, որը գտնվում է ներկայիս շրջաններում Գեգնկորիի մոտ:
- 82 Կախեթի քորեպիսկոպոս Փազլուն II (918—929 թթ.):
- 83 Աղվանքի իշխան Համամ Արևելցու (Բագրատունու) թոռը, Ատրենբրսեհի որդին, որի օրոք (մոտավորապես 943—960 թթ.) Հերքի հայ միաբնակ ազգաբնակչության ընդունեց երկաթնակություն:
- 84 Կղարչքի իշխանաց իշխան Գուրգենի (918—941 թթ.) քույրը, որը, ինչպես վկայում են աղբյուրները, վճռորոշ գեր է կատարել Հերքի ազգաբնակչության շրջանում երկաթնակություն տարածելու գործում:
- 85 Իշխել է 888—923 թթ.:
- 86 Կյուրապաղատ է դարձել 923 թ.:
- 87 Իշխել է 923—937 թթ.:
- 88 Սկսած 945 թ. եղել է մագիստրոս, իսկ 958 թ.՝ կյուրապաղատ:
- 89 Բագրատ եւը իշխել է (937—994 թթ.):
- 90 Նկատի ունի Տալքի կյուրապաղատ Դավթ Մեծին (978—1000/1001 թթ.):
- 91 Նրա հայրն էր ափխազաց թագավոր Գեորգի II-ը (929—957 թթ.):
- 92 Հստ մի այլ ձևագրի՝ «Նրանք գնացին Ասփուրագան (Վասպուրական)»:
- 93 Կախեթի քորեպիսկոպոս Կյուրիկե II (929—976 թթ.):
- 94 Ափխազաց թագավոր Լեոն III (957—967 թթ.):
- 95 Նկատի ունի ափխազաց թագավոր Դեմետրե III-ին (967—975 թթ.):
- 96 Ափխազաց թագավոր Թեոդոս III-ը (975—978 թթ.), որին կուրացրել էին, մահանալով որպես միակ ժառանգ թողնեց քրոջը՝ Գուրանդուխտին (994—1008 թթ.), որն էրիսթավաց-էրիսթավ Գուրգենի (994—1008 թթ.) կինն էր: Նրանց որդին՝ Բագրատ III-ը (975—1014 թթ.), 1008 թ. հռչակվեց ափխազաց և վրաց միացյալ գահի տիրակալ՝ «ափխազաց և քարթվեղաց (վրաց) թագավոր» տիտղոսով: Հետագայում նա և նրա հաջորդները դարձան Տալքի կյուրապաղատության ժառանգական տիրողներ:
- 97 Նկատի ունի բյուզանդական կայսր Վասիլ II Բուլղարասպանին (976—1025 թթ.):
- 98 Բյուզանդական ազգեցիկ զորահրամանատար Վարդ Սկլերոսը (մահ. 999 թ.) 976 թ. խոռվություն բարձրացրեց Վասիլ II-ի դեմ ու զրավեց ամբողջ Փոքր Ասիան, սակայն 979 թ. պարտություն կրեց կայսեր զորավար Վարդ Փոկասից:

99 Քսենիկե Քարթվելին սերում էր Տարոնի Զորթվանյան-Մամիկոնյան տոհմից։ Իբրև կյուրապաղատ Դավթի վասալ՝ կատարում էր կայսր Վասիլ II-ի պատասխանատու հանձնարարությունները։ Բնագրում «Քարթվելի» է կոչվում ոչ թե աղզային պատկանելության, այլ երկարակ դավանանքին պատկանելու պատճառով։

100 Խոսքը վերաբերում է կայսրիկների նախկին տիրույթին։

101 Նկատի ունի Տայքի երկու մասերը՝ «Յայսկոյս Տայքը» և «Յայնկոյս Տայքը»։ Սըրանք ռաժանում էր Ուղթեաց գետը։

102 Խոսքը վերաբերում է Կախեթի քորեպիսկոպոս Դավթին (976—1010 թթ.), որն աղզակցական կապեր հաստատեց Հայոց Տաշիր-Ձորագետի Կյուրիկյանների թագավորական տան հետ։

103 Նկատի ունի Կախեթի առաջին թագավոր Կյուրիկե III-ին (1010—1038 թթ.)։

104 Փաղլուն I իրն Մուհամեդ Շադադյան (985—1031 թթ.)՝ Գանձակի էմիր քրդական Շադադյան հարստությունից, որի տիրույթն անմիջականորեն սահմանակից էր Կախեթին։

105 Հայոց արքա Գագիկ I Բագրատունի (989—1010 թթ.)։

106 Վրաց աղբյուրներում Ձորագետը կոչվում է «Ձորակերտ», որ հետագա գրչական աղավաղում պիտի լինի։

107 Այս իրադարձությունները տեղի են ունեցել 1010—1014 թթ. ընթացքում։

108 Նկատի առնի Արևելյան Վրաստանի և Արևմտյան Վրաստանի կաթողիկոսներին։